


傳九十五首

忠烈傳

增


何任全夫婦雙節傳

忠烈黃雷孫



節義之士不畏死不偷生不徇人以苟免惟夫存天地浩然剛大之氣者能之故可以臨變不奪從容就義若吾鄉節齋先生者真其人也先生為韓侯之裔幼以碩儒稱宋室不競常有憂國之志三試始登第知時不可為遂不應職德祐二年春我元兵克潭州傳檄諸郡袁連衡永柳全道桂陽武岡皆降先生雖無官守憤懣不平嘆曰何湖南諸郡無一義士也及







僅見於西河之陳寅池州之趙昂發而已矣繼追芳  
躅於宋有光者其先生之夫婦乎彼享厚爵守專城  
見檄而靡者能無汗顏歟先生之居址曰臺前吾清  
江歸市通衢也余嘗經此暮則之宿焉長幼咸集言  
及先生事輒哽咽流涕惟以祖與妣不及正命終不  
不獲金屍塋為憾余嘆曰先人之志死而不渝後人  
之情久而無間何氏其世蕃大於寧乎惜乎德祐至  
今垂四十餘年家不忍暴先人之變時不敢揚抗順  
之人使先生不得與李尹陳趙諸公同光史冊也雖  
然先生大節如華嶽如雷霆有目者猶共見有耳者



聞潭知州李希衡進士尹穀盡節為感慨泣下秋八月元兵入贛入廣者長驅而來獲先生夫婦於縣治南五里之將軍寨先生舉止從容復出人表我兵喜得一佳士迫使見主將欲收用之時夫婦年皆六十矣相與自決曰我宋士也不可老為兒俘詞氣奮發使殺已於是夫婦同日引頸受刃死嗚呼潮陽之地迤邐千里當時仗大義者惟李尹二公耳孰知西恩故朝守大節臨變就義不幸免者若此哉宋以忠厚立國禮義教士故志士仁人當社稷垂亡之時慷慨舍生叠見於世然夫婦同死節義成雙者則



忠克罄厥心者有鄰邑黃公焉公諱觀象字世範其  
先江復人後占籍於嶺表之桂林曾祖玉事後唐終  
資興冬子孫因爾卜居故公為資興人焉祖知事鄉  
曲有稱乾德中復攝是縣簿後資興附屬於郴移攝  
郡紕悉皆有歲父文德耽樂考槃高遁不仕公即文  
德之長嫡也德性純顯作事愿立自志學之年則訪  
師千里誦詩爰感於劬勞讀禮式懷於兢養念茲風  
樹亟庭闈左右色難息倚門之望經營農力代負  
米之勞供旨奉甘溫清扇枕拳拳於是無不至焉洎  
丁父喪慟毀踰制枕塊藉苦絕飲數日迨乎窀穸封



猶共聞及今無以揚之恐世移時改則先生之烈將  
無徵於後矣余也誼同鄉曲稔聞巔末非一日矣安  
能已於言哉敬為傳以俟為國史者採焉元至治壬  
戌冬十二月之吉

此傳舊藝文所未載傳中止稱節齋不著其名又  
止稱登第不列其詳舊選舉志亦未及固為可惜  
但傳出於元進士黃雷孫之什年月具在不可因  
此而疑為無其人也故存之以俟考

### 孝子傳

#### 黃觀象傳

柳縣尉兼主簿事王儀

夫孝朕於誠誠著而本立譽資於懿懿至而名昭故  
孝莫大於愛親譽無先於敦行其生事死葬歲祀時



猶不及公不得已慘怛而歸  
古也奉茲二塋凡二千二百八十晝夜於是始終如一厥後祭子躬致虔如在或語往事睹舊物因氣序遷徙為時景所觸罔不疚懷惻然變色向所謂生事死葬歲祀時思能盡其心者也公寬而不亂柔而有立示弟示子必友必義朝賢識士美以雅什者衆矣  
天聖三年十月初五日寢疾終於家次年七月十八日葬於資興鄉豐樂里石城山下有子三人長曰億  
繼履修省循稟義方恭號哀感志與先同掩壙之日  
外堅廬守噫父子相資而克純孝為人嗣者能不勸



樹必躬必親因誅茆結廬止於墓側晝則運土以大  
邱隴夕則設磬以誦經書號慕之容未嘗見齒一日  
一飼惟藿惟藜雍然終制逮母薛氏之亡也生性僅  
存哀感尤甚奉母安厝悉與父同合祔之辰復廬於  
埜塊止窮莽人不堪憂公曾不為難未嘗暫捨驚獸  
威服於是宗族稱孝鄉黨稱弟焉邠牧唐公謂聞而  
喟歎因表其事以聞帝聞國家命運使滕公晏按得  
厥實然後降睿旨以優之勅長吏以恤之賜粟帛以  
旌之蠲徭役以安之公祇畏皇恩愈激素行逮終  
母喪未遑捨去里人相與率籲矢言謂喪期有數過



栗薇省簪冠帶之榮時桂陽延壽山不靜璞軒奉當  
道命督運軍餉竟以勞役殞於軍孝廉迎櫬卜葬於  
山背之西陽嶺哀毀切至不忍忘親乃廬於墓側朝  
夕哭奠者凡五閱月常有虎兔馴擾土人神其事以  
為誠孝之感有不謬者既而父老親舊諭以節哀不  
宜過禮為死傷生孝經所禁於是迫之始歸或謂余  
曰禮無廬墓之制此之所為無乃過乎予謂築室於  
場行之端木五月居廬行之滕文夫豈悖禮而子輿  
氏言之也又或以好名為孝廉疑余謂此孝廉根心  
之愛豈好名者所能襲取哉今倍薄而顧名檢者寡



乎余入選南銓効官東渚涉諸屬境首訪奇人旁采  
輿言樂聞茲事公之族謂余汲善且慮公之沒齒而  
名不見稱懇請固託乞誌以闡既稽行不虧則立辭  
無愧時宋天聖四年丙寅告

陳易孝廬傳

邑舉人 曹希周

孝廬為誰所以表孝廉陳子之懿行也孝廉諱易字  
姬文號湖山少治易隱居不仕勤學好修以性真自  
適動履多執古人當時士大夫咸重之稱為湖山居  
士寧之邑族學博知其賢每造廬加禮焉厥考諱致  
字珍之號溪軒以素行敦義鄉衆共推遂援明例



叔負棺藏之賊平始迎柩還里二子悉罹虎災其  
蔡氏為勸置妾六十舉一子鄉人為之語曰乙未  
生乙未子孝順仍產孝順免孝子當世亂虎出嘗獨  
經山澤忽有持雨具者導行於前山行畢忽不見人  
皆以為異親見其子俊祿遊泮生孫二壽九十九歲  
無疾而終州守田公匾其廬曰孝子居

胡鴻傳

割藥邑人何瑤泉

君名鴻字珍之國學生關廂人鄉飲耆賓首元之第  
四子孝廉君竹書之兄也先世遷自江西廬陵為宋  
資政殿學士忠簡公之二十世孫君幼而謹敏於書



得此可以表懿行而挽頽風故余樂為之傳如此

胡正誼傳

柳州舉人 喻國人

胡孝子諱正誼號紹軒六都青溪人父加頌得染惡疾下體發瘡膿穢不止醫藥弗愈孝子朝夕侍養夜不寢者三月其父呻吟號痛大懼不起適有醫云須用親人含藥漱之孝子含藥漱淨膿血父瘡得愈而孝子受毒鼻為垂食父壽終孝子結廬墓側朝夕供奠三年不俸其母陳氏食素日久孝子見其羸瘠泣請茹葷時山賊紅兵擄焚村落孝子負母山中得免以驚憂氣喘卒於山孝子懼賊索及哀痛不敢出



母鄒氏卒於甲申之夏以父塋擁擠不可合葬另購  
鵝塘新地以厝君悲其遠與孝廉弟築廬守之三年  
畢君曰父塋可朝夕瞻望母則安能遂又別構一室  
命弟姪讀書其中顏曰此望齋志不忘母也君事以  
上三兄俱盡哀愛及兄卒為撫其孤晚年與孝廉弟  
別一樓於所居之右游息寢卧其中捷為楊公匾其  
樓曰怡怡鄒鄰以詩文贈者成帙年六十始卒遺命  
附於母側有子五人長家駿早故次家政過繼三房  
家學家傳家柱皆克稱其家云雍正六年旌

許掄科傳

教諭

段人繪



傳略識大義不屑他務薦於孝友之行居常念曰吾家既負郭以居未嘗力田當效古人牽車服賈以養吾親耳於南城門外每坐一廛擁貨物以居時父母年近六十日親煨肉一罐攜歸以進其妻念其勞請代之君曰火性急則肉味必燥恐損吾親脾胃也卒不代母思江魚君即走連溪口覓得鮮鯉一頭歸已夜半烹調訖母方晨起時鄰里有肉一罐火慢慢燂走直半之謠君父有足疾既而腫潰久益創醫者謂當以口含藥吮之君即親舐其膿穢倚床調付衣不解帶者三閱月父疾以瘳後於丁丑冬卒



也盜其而釋之且動色相戒曰此孝子也衛之出  
母黃氏病喘喘發輒數月不安枕孝子竭力調治  
勞萬狀了無倦容每夜分焚香祝天再拜願以身  
代疾遂愈迄後父母相繼卒時孝子年近六十而  
孺子泣附身附棺必如禮寢寐間至號哭墮地其  
父先自三都遷居城西已有年所臨終以邱首囑孝  
子孝子遵遺命葬父於三都錦里山頂去城百里時  
值祭掃孝子必親率弟姪輩拜奠其下哭聲震野終  
身不衰聞者莫不酸鼻與二弟振科武陵訓導三弟  
捷科四掇科邑庠生皆友愛無間又念子姪中有志



許孝子蕭掄科字拔尤吾邑三都天壽里人幼有至性鎮密誠樸善承父母意其父邑增生諱袞少孤賴祖成立好學力行以貧故授徒四方常以不及躬養為戚孝子請曰無憂也長子家督男當任其勞乃廢學力作家事曾大父及大母日用應酬之需靡不備具其曾大父紹池公嘗曰有孫如此吾門必昌時孝子年纔十有四耳康熙甲辰歲邑大饑斗米三百錢孝子身釀金負米於衡之安仁距家三百里許一日為盜所掠幾不免孝子涕泣哀告以曾大父及大母父母在堂何米以延旦夕令掠吾米是死吾家四老



劉光龍傳

邑舉胡國篇

劉諱光龍字沛然東冲人自幼失怙佃耕供母凡母  
意所欲靡不力辦康熙癸未歲荒斗米三錢君力作  
以贍母及自茹則挖蕨採蠶雖稚子啼饑不顧也母  
患目疾癰疽君倚床調侍惟謹深夜焚香叩禱禮誦  
北斗經誥由此永持齋素垂三十餘年嘗於母癰處  
含藥舐毒甘之如飴母恙以愈洎母以壽終哀慟不  
歇生結廬墓側五厯寒暑雍正丁未冬雨雪彌月山  
木盡僵墓廬亦壑君露處數日如常墓所常有虎出  
沒不為害已酉歲暮郡伯華因公如桂東道經墓側



讀書而無資者擇附祖宅腴田二百担為燈火費以  
故諸弟子姪十餘人悉有穀庠序孝子成就之力居  
多馬歲丁酉闔邑公舉鄉飲耆賓歷任賢侯俱造廬  
獎異時孝子已享年八十矣其生平困而能亨險而  
能脫常負太母蕭氏避寇於錦里山中風雨暴至若  
皇立巖下不移時雨止若有促之行者甫離足巖前  
已為大石所覆壓矣又嘗為母叩許善果三十條貧  
無以酬蹙然有憂色一日醫命入山採藥掘土得數  
餘金善果以償而家業亦由此漸立人以為孝感

云



而慰勞其難母答以無他惟守與忍而已 瑄 歛袂  
而歎曰人莫難於守又莫難於忍行已有守則不失  
其身居家能守則不失其業言而能忍則不失於躁  
行而能忍則不失於暴斯二言者可為士君子之良  
規孀婦女子而能言之其過人遠矣故傳之以為當  
時後世則

陳玖妻邱氏傳

邑舉人 李廷東

陳母姓邱氏賦性溫淑少閑姆訓適璞軒陳君玖能  
以義相厥夫嘗勸陳君曰胡不自樹乃安於庸衆人  
夫始奮迅援明例輸粟薇省以義名官時有延壽之



聞哀泣穀不悲過特獎異之

節婦傳

黃弼妻唐氏傳

參議  
歐  
瑄  
邑人

節母名七姜上坊唐隱德崇義之長媛適清江黃君  
諱弼字仲相予少師事仲相見母居家親操井臼甘  
淡薄相夫饒廩邑庠阮於數奇早不為天所假年而  
母嫠居敦樸貞烈言不輕出於唇跡不輕復其闕家  
用錢穀男女婚姻皆節母之綜理也次子名教詩書  
美悉節母之訓育也歷越五十年不失舊業宗族  
下德之瑄致政歸田時母年已八旬有七因候其



耿志按前孝行傳載陳易父名致茲節行傳載印氏夫陳致為致也妻者為易也母何傳載印氏子名樂而不及易致之子二與不應一詳一畧也矧易其孝焉者也致之妻二與以父論皆其子也而畧焉者何且易傳中未聞有異母之說此疑義殆不可考也獨是致之妻以節著予復以孝顯傳稱致素行敦義然則天之報施善人豈或爽哉

蔣 玉妻段氏傳

訓導  
邑人 黃純鐸

段氏為一都三甲故生員蔣玉之妻三都八甲耆民段睿智女也年十七能奉姑以孝養姑卒哀痛刻骨凡殯殮喪葬之需相夫營辦既禪氏謂夫曰君兩兄皆入黌序安可不自奮為後於康熙壬戌得入庠及乙丑氏年二十四歲夫遽故生二子長輔國甫四歲



役致奉

上委重以督餉大務旣之竟以勞瘁致殞

母聞訃長號大慟勺水不入口以身為殉死而復甦者再四母之外氏勸曰兒母慟獨不念夫之孤在乎撫孤即所以存夫也母悟始勉進飲食稱未亡人日以完節提孤為務鄰婦有諷之者母叱曰是何言與吾守吾夫以無獨我孤吾撫吾孤以無死我夫吾豈敢為禽獸之行而有他志耶於是杜門自守勤苦終身子諱樂字子和號敬齋能以孝養厥母長而有嚴庠序間士大夫及有官君子高母之懿行名之曰

慈陳母云



獨取却之期三十九載及雍正元年至六十二歲以疾  
卒葬於家奉祀建坊旌其苦節名自  
垂千古云

李泌福妻宋氏懷

知縣顏天球

李烈婦宋氏名丹桂世居山口宋曾瓊之女關廟學生  
李泌福之妻自幼端淑穎慧知大義歸李生執婦道  
惟謹事太姑段及姑曹甚得歡心居三月歸寧已而  
李生以力學攻苦病氏聞之卜不吉廢寢食泣別母  
氏云賴天之靈夫無恙幸也不然此後無期矣  
門見夫容消瘦飲泣不能語盡晚簪珥以資藥食每



次補國甫二歲氏屢思自盡伯姆王蔡二人均勸之  
曰汝終不欲生奈拋擲二子何始勉強飲食矢志不  
嫁痛夫早逝不忍為零落態與兩伯姆同居歲時家  
讌親戚交會兩伯家設備酒餚氏亦如之不少差生  
平莊嚴端肅凡鄰里遠親有吉慶事概辭不往對伯  
姆曰我寡也哀戚不忘於心尚何顏色答人言說乎  
至老亦如是頗識字能通孝經論語二子雖甚愛惜  
然未嘗少寬假後皆克成立輔國援例入太學補國  
有穀里鄰戚黨欲援

旌氏曰使吾以節顯益彰吾之不幸也



其子來視且謂氏云汝四弟娶婦踰月汝母來接  
汝氏給之云家中有事小婢可暫歸寄語阿母吾今  
有兒矣幸勿為念氏父以為然家人亦謂此時痛定  
不復慮居二日氏送父歸遣婢去隨掃樓拜哭哭已  
復下省太姑及姑佯為笑語溫慰之已乃登樓大哭  
鄰婦來春者皆為之罷方欲節其哀忽而輟止躡梯  
上視窻牖皆蔽迫視之氏則裹經圍裙面夫容懸梁



至夜分焚香祝夫求以身代復囑婢勿以告人及李  
生病不起氏不食者數日數問生生死下以答氏亦  
泣指心誓曰命也吾惟一死以報耳李生卒氏量絕  
者再力救方起歎之厥明為己亥元旦家人以太姑  
及姑在堂戒勿哭氏椎心頓足仰天呼云天乎吾志  
已決顧安得死而無憾耶家人聞其言伺之然謂新  
喪之痛自爾不深疑也越五日夜氏引繩卧側將自  
經所侍婢驚覺得免如婦諭以奉姑為重說嘿者久  
之一日向其妯云須善育小姪蓋歆以姪繼夫後也  
而李生伯兄謝福已議以仲弟沛福次男善祿嗣之



士林春芳之甥女歸闈廂邑居。一李生士貴乃。李我受之第五子也會。李生得重疾氏寢食俱廢。既。簪珥以資醫藥。夜則俯伏竈前求以身代。李生自度。不起見氏形容日瘠。屬曰死。一命也。但堂上老人不能終養。晚茲二孤。乳乳何依。汝且保全此身。以畢。事。吾死無憾。氏含淚嗚咽不能言。及卒。痛甚昏仆。在地。家人灌甦之。殮畢復投繯得侍婢救解。姑抱。兩孤以泣。屬轂云。汝念爾夫獨不念爾夫臨危時之言乎。奈何。徒以一死了事。氏始遽然覺。封髮自矢。營治喪葬。一如禮。時年二十有四。氏素知禮。不夜哭。燈。



死矣年始二十有一時康熙五十八年正月乙未也  
初氏在室時聞其兄生思高等談節孝事聽輒弗倦  
或次日復舉以問必得其詳始已有談及曹令女割  
鼻截耳狀氏忽厲聲云此女尚多一番周折盍若一  
死乾淨卒以烈著議者謂真不愧其言死之日遠近  
聞者掩涕闔學諸生公詣余請題旌具聞上憲中丞  
王公謂為巾幗完人總制滿公暨提學繆公亦以爲  
兩間正氣義烈可風咸檄旌其廬云

李士貴妻林氏傳

和縣 蘇暢華

李節婦林氏名兆弟邑西東江吏員林岱之女鄉進



致焉余自下車採邑中節孝得氏申聞喜其可式鄉閭因次其行實為之傳

胡朝紀妻李氏傳

訓導邑人

蔡佐朝

氏為閨廂者民李元仁女年二十一歸不都文學胡朝紀氏幼時元仁嘗課以內則讀至從一之義輒嘆曰女子事人尚貳乃志如對鏡何洎結褵甫三月夫以友約將負笈於衡之炎陵未有決計以有老母在也氏促之行慨然以色養任歸而學業大進尋受知於學使李人咸謂氏之有助於夫焉閱七年夫故遺三歲孤名清溪當屬續時夫恐孤



下即忍涕枕薦為濕天微曙放報痛哭至辰食不已  
里鄰聞者皆為酸鼻迄服除不改每見夫字迹手澤  
涕洟澤下珍藏以示光也洋福洋福為之延師教讀  
皆篤志勵業卒底於成生嘗欲卜宅鄉村為父母  
年老不忍離而止生卒氏終養舅姑大事俱畢始呼  
二子謂城市奢浮非所立業乃結廬遷居於東鄉  
何家山持齋服素以終氏在室時生母包嘗應目  
疾肩痺不能耐氏衣不解帶每自焚香叩禱一夕夢  
守老人語之云得小江冰加枯礬沙許以口含吮之  
大德氏如其言調理匝月目疾賴痊人以為孝感所



母子相持烏烏泣鄰里皆為之感動云方朝紀之  
初逝也譜刻猶未竣族人將寢廨事氏出簪珥佐  
之成且白曰吾夫尚有欲舉者安得吾兒成俾後  
先訖緒也閱十餘年命清溪倡建宗祠既數年奉  
旨表太翁紹軒公孝行於坊匠石百餘人皆氏躬向  
杵以僭他人請代不許蓋向者告族人之言即其  
事也今氏年七十矣子亦將五十恂恂盡孝若孺  
子舉孫三旌賢旗賢旄賢皆善讀書人於是知清  
溪之卒有立而天之報母不爽也乾隆十七年當

道以節行

門



之未有立睜目謂氏曰予沒汝且俟俾免能奉姑  
氏泣謝曰此義妾明久矣尚何言哉因摘髮為地  
下質夫目遂瞑時氏年二十有八也先是夫以輯  
家譜瘁且病氏侍湯藥不辭帶者幾及年且禱宅  
右紫金山以身求代夫逝三日水漿不入口鄰姬  
有以夫遺言進者乃強飯粥姑陳孺人者年七十  
有奇以慟篤目且瞶氏既營夫之喪畢勉節哀以  
慰姑行坐拱掖未嘗稍離又數年姑乃卒哀禮拜  
盡如夫喪然時藐孤雖釋提抱未有覺氏延師教  
之讀且嚴其程迄稍長知大義詳語以夫故時事



少置石灰能指每示免曹輒爲烏泣工紡績雖  
嚴寒不稍輟售於市人爭購之因細密得好價氏以  
充國課故門無追呼之擾甲子米貴貸於外氏得穀  
數斗作粥以奉姑兼哺其兒自噉惟糠餅里人咸感  
嘆不置姑卒訣曰爾孝敬如此報宜在爾後也氏益  
加勵喪葬如禮親往築墳哀感行路先是姑喜飲泉  
水氏日焚香拜掘門前竟得井人以為孝感所致其  
後文佐以孝聞孫大章名於庠貞節之報固如此年  
六十七歲距矢志之日四十七載屬纊時以指囑媳  
納之棺中示不忘辛苦云



上報可

賜清標彤管四字額其廬清溪築亭奉之邑侯羅公  
為之記而錫以名曰懷清亭

曹繼興妻李氏傳

教諭 陳宗溥

氏之清操諒節久已登志乘矣雍正十三年得邀  
旌典益愜輿情余職司秉鐸挖揚當先爰於送主入  
祠時彙其事實而為之傳曰氏名家子也年十六適  
儒童曹繼興結褵僅四載而稱未亡遺孤文佐甫二  
歲門以內無葦功親相依者惟繼姑耳服闋有歆謀  
安者氏思一門孀居懼不免遂斬指以誓志常佩

年甫廿三毅然任曰君之所以底於成者以有姑在也妾獨不可繼姑志乎坦既祿何氏勉節哀以順姑復勵其子良効得列名於學黃氏守節五十餘載何亦四十年過其間者咸嘆為姑媳雙節云

續李節婦傳

州守謝仲玩

為人婦易為節婦難為節婦易節婦而曲盡子職難節婦而曲盡子職已不易且為賢母而為子孫陰樹德成先志為尤難寧邑李節婦黃氏其一身所處倘所謂易耶難耶氏名禮韞字壽姬邑名庠篤敬女也幼穎慧聞大義舉止端詳篤心愛之及歸李生洛福



朱門姑媳雙節傳

邑增何海

雙節者邑秀流庠生朱明組之妻黃氏及其媳儒童  
俊坦之妻何氏也黃氏年十四適明組事翁姑相夫  
子甚謹明組力學氏旦戒不稍貸生子二長即俊坦  
次俊坤氏年方廿八明組病篤處浚母有泉衣丹柩  
憂氏隻身調事脫簪珥以資醫藥廢寢者凡數月洎  
永訣明組謂曰汝雖有子二遇多艱恐或以此懟父  
母行當自便氏誓不奪志明組怡然逝氏哀毀過甚  
死而復甦者至再翁姑由是感泣俊坦娶何氏生長  
明年坦病懼不起以母老兒稚無所託為慮何氏

吁責曰吾家安何忽有此般氏不辯而加傲至是以  
父命強起撫棺曰死短憂長吾將以憂死乎吾夫有  
親吾夫有子吾何日而可死乎具喪後遂極禮延師  
聞免有進輒喜否則悶不食或且哭且撲曰學猶耕  
也於田不力奚有秋汝不知父之丁寧我者耶因拊  
膺自責曰吾豈能教汝特異汝父之靈耳吾誠不足  
以格之奈何掩閨痛傷必二子怨艾乃釋數十年來  
育夫之子事夫之親寒暑幾更而舅氏又考終矣凡  
夫所有事皆身代之生辰沒忌必哭奠一味之甘必  
藏以奉繼姑謝今謝年八十有七氏亦六十有五同



字乾運敬禮勵學欲贊成夫志以慰舅姑心年未暮而周姑沒氏痛志多未逮相夫誠信必勿悔此猶婦之常也生原銳志顯揚三冠童子軍而遇蹇竟以刻苦寢疾自知不起時摩二子泣曰吾身之不得將安望之既革謂氏曰已乎已乎吾竟已乎養吾親教吾子吾瞑難難遂睜目吞聲而逝氏時年二十九孤子光祿甫十歲元祿二歲而翁已頽然老矣氏號絕數四家人奔告其父至曰不知夫志而慷慨捐軀不智也知夫志而棄其遺命非仁也汝夫則真死矣氏素遵父訓方齟時其父於門外聞唯諾聲誤以為氏也

不忍也二子乘間言之氏泣曰汝不知父志乎匪徒  
博一青衿將立身行道以報君親也汝輩一日不能  
成則汝父之目不能瞑則吾一日未得其死也吾方  
以生為愧而汝顧以為足耶且公論定於蓋棺一息  
尚存此志不懈吾豈未之聞耶二子不敢言邑人遂  
不復請予惟氏今年近七十矣因夫而志行如是是  
真能婦金子職者是真能以節婦而為賢母者人所  
不易而氏則易其所難仁與智與幼所聞者胥此矣  
氏蓋巾幗中完人矣哉因唐召宗鎔所撰行實畧紀  
之以風世



歡若孩孺逮子若孫疊有成氏皆以小就其夫未嘗  
而不得一見鬱鬱飲泣益於其夫為之孝友為之睦  
姻為之任恤隣嫗張貧欲嫁媳氏止之曰嫁媳以圖  
食媳嫁而食仍不可繼也何如留之共食其力吾或  
少補乎卒賴曲全他如珍瓦缶甘蔬糲破絮殘縷不  
遺紉鍼補綴不倦而寧勞罔逸寬御下嚴繩家不忍  
於夫志少端失墜者皆苦心積慮所留須臾無死欲  
以見亡人於地下而述其事也余三攝柳篆為此邦  
徵文獻纂郡志檄屬邑採諸節義事其邑人僉欲因  
是為氏請旌氏曰以夫所不幸而為吾見榮之招

二首

江漢朝宗賦

至正辛巳湖廣鄉試第一黃師郊邑人

玄黃莫極混沌攸分屹岷峨之西峙發天一之玄精  
沛靈液以長流亘天南之緯經激逸勢以瑞驅送馳  
波於滄溟譬萬國之會同咸疾趨於紫宸茲江漢之  
東注所以著朝宗之徽稱者歟時其春濤浩漲萬壑  
流液駭浪翻空天網浮涵激三澨而霆喧浸峽雲而  
影沒騰蛟鼓躍而噴風怒蜺霍揮而翳日長驅振鐵  
騎之西來支流若附庸之畢集望滄海之茫茫偁而  
川而望入雖百折而必東靡同波之頽息茲非諸侯



興寧縣志卷一  
一  
二  
三  
四  
五  
六  
七  
八  
九  
十  
十一  
十二  
十三  
十四  
十五  
十六  
十七  
十八  
十九  
二十  
二十一  
二十二  
二十三  
二十四  
二十五  
二十六  
二十七  
二十八  
二十九  
三十  
三十一  
三十二  
三十三  
三十四  
三十五  
三十六  
三十七  
三十八  
三十九  
四十  
四十一  
四十二  
四十三  
四十四  
四十五  
四十六  
四十七  
四十八  
四十九  
五十  
五十一  
五十二  
五十三  
五十四  
五十五  
五十六  
五十七  
五十八  
五十九  
六十  
六十一  
六十二  
六十三  
六十四  
六十五  
六十六  
六十七  
六十八  
六十九  
七十  
七十一  
七十二  
七十三  
七十四  
七十五  
七十六  
七十七  
七十八  
七十九  
八十  
八十一  
八十二  
八十三  
八十四  
八十五  
八十六  
八十七  
八十八  
八十九  
九十  
九十一  
九十二  
九十三  
九十四  
九十五  
九十六  
九十七  
九十八  
九十九  
一百

寒津濯纓乎滄浪之浦游目乎鵠山之岑余於是有所感矣思昔龍門未闢環海湯湯慨尾閭之未沒肆川后之陸梁惟聖神之則然乘西載而徬徨經嶠冢以導漢隨岷山而入江障狂瀾而東驚若日月之回光迨夫乾清坤寧岳奠川會羣流循徑以汨涌飛滂摧雲以距海各順序而安行孰奔騰而橫潰觀物理之有常等民彝之不昧思禹功於當年實萬世之永賴嗟夫觀水於穹壤之間知物有君臣之義大而覆天之象緯微而在物之蝼蟻雖氣類之萬殊實均具夫此理何世降於春秋迥霸圖之殊異嗟河陽之書



春見而曰朝於以觀王庭而述職者乎又若陰風怒  
號濁浪排空巨浸稽天而浩浩驚濤觸石以溶溶始  
西川之並駕終合勢而景從雷轟於大別之下電繞  
於盧阜之衝渺乾坤其浮浮蘸旭影之曠曠飛流駭  
奔走塗山之玉帛狂瀾澎湃集王會之琛琮茲非諸  
侯夏見而曰宗於以朝京師而會同者乎余嘗快西  
風之曉晴駕西龍兮北征朝吾道兮江浦夕余憇兮  
漢濱覽形勝之茫茫黯寒烟兮夕汀洞庭南瀉蕩天  
光之一碧赤壁西望俯洪深而下臨蜀山逶迤而送  
一楚澤浩渺而連雲鳬鷺低回於烟渚葦花點綴於

事之無窮想斯時也六合塵清九溟波靜紀天瑞於  
白麟詠饒歌於寶鼎雲亭秘玉檢之封海上矗鸞旗  
之影殿塵寰之日促慕蓬萊之路近集方士於禁庭  
招赤松於仙境煉甲庚而吞吐吸烟露而導引爰首  
創夫金襴拾露華於盤頂於是碎首山之礦煉太白  
之精紫電飛爐鑄之融置風融膏白之英金鵝曉飛  
刷直羽而驚翻玉龍夜飲啖玄液而無聲良工秦技  
宮官告成圓象建嶠之頂高俾天柱起形恍竒功之  
神造揭雙立之脩莖抗金人於寥廓輾埃溘以穀神  
玉笋括空掬清冷於碧落瓊杯吐耀映素彩於觚稜



猗秉麟筆之微意在桓文而尚爾於吾楚乎何忌觀  
逝者之如斯能不怵怩而媿死此余於江漢之朝宗  
安得不悵然而長喟惟聖元之御極總萬國以來庭  
雖海隅之遐陬亦梯航而貢琛藐余忝於楚產懷朝  
宗之至心鼓三汲之巨浪振修鱗於禹門爰寄悰於  
江漢聊抒意於斯文

承露盤賦

至正甲申  
禮闈第一黃師郊

客有攬渭城之秋色駕茂林之西風訪栢梁於漢闕  
池瓊液於仙銅野粉蛻樹壁之封燒痕慘銅狄之容  
蝕雨兮荒堦樹樓烟兮故宮慨武皇之何在悲往

出駕冲霄之羽服玉白雲之鄉脫從九重之位則  
乎可以答求仙之心素而金仙之功於是乎著矣雖  
然予嘗披史籍而遐觀竊有感乎斯故夫何武皇以  
雄才大略之君而乃惑溺於方士妖人之侶神遊八  
表之中轍滿九州之土心鶴遊而莫羈意馬馳而莫  
馭馬旃文成之誅仙跡公孫之侮尚宿留於東萊何  
帝心之弗悟且是盤也何不鏤日新之湯銘刺丹書  
之周語發以保合天俛多歷年所奈何植巨擘於空  
庭費糈禪而無補迨夫黃金不變青鳥音稀悲山陵  
之日近悵三山之路迷而紫鳳下輪臺之詔秋風歌



時其玉宇秋清銀潢星渡素娥舞羽於廣寒靈匹舉  
旗於河鼓秋堂納涼氣之新金井藹華露之墜蘸瑶  
草以生寒濕龍旗而拂曙金莖朗植擎沆瀣於初收  
玉華朝盈注神漿於斯聚浮輝映淵客之夜光派潤  
煥方諸之明水帝乃碎玄圃之瑶華屑藍田之玉藥  
和以玻璃之卮酌以天瓢之醕瓊波粲粲於光浮玉  
液森森而浪吐一飲而百感潛生再飲而五官清粹  
可以淪緱山之子晉可以觴瑤池之王母又何必咀  
絳雪於崑崙搗玄霜於玉杵且帝之飲斯露也意將  
仍羽客於瑤臺邀羨門乎天路鼎湖攀留劍之龍孫

詩

五言古四首

贈興寧廣文譚隱之并序

州守曾尚增

鄆縣譚先生初諭寧時觀學宮祭罷缺然捐俸製  
造一百七十件大憲為之記功二次又捐置學  
田書院田各二十五担先生年八十餘不日致歸  
矣亟興盛舉知非汲汲為功名者爰作歌紀其事  
并以為贈

寧維楚嶺嶠淳樸登比戶宮牆壯城闕多士樂鐘鼓  
卓哉譚先生振鐸復前古始至輒慨然未祭先正簿



汾水之詞顧蟠桃之不實嗟少壯之幾時對銅仙而  
懷媿空感泣而生悲已矣哉桂華滿兮明月輝扶桑  
曉兮白日飛候館空兮人已去茂林荒兮綠草萋生  
存華屋零落空虛麒麟裂背上之文虬龍折頷下之  
珠石馬空嘶於荒塚露盤幾載於空車嗟銅仙兮有  
知揮鉛汞兮淋漓耿予懷之好古安得不為之感慨  
而歎歎遂呼銅仙而歌之曰飛光飛光兮會不少留  
元氣茫茫兮浩不收三十六宮兮土花稠劉郎一去  
芳令馬求酸風東射兮烟靄眸眼波流斷兮滿睂秋  
銅仙銅仙兮君莫愁吾將攜子兮歸丹丘

不第俯層曲眺茲堦率山中有一仙巖野雲長為關  
綠蘿既峭蒨黃鳥兼緜蠻伊余拂雲入古色爭斑斕  
石燭光微露玉磬聲何珊仰見佛趺坐側聞猿歆還  
然松耿靈曜盡興窮躋扳丹溪阻以深渺然非人間

縹緲亭

邑庠

曹綏慶

巋然山上亭厥名曰縹緲陰陰青蓋傍微雲山外裊  
清光切太虛空翠架林杪四圍錦嶂懸一泓困江繞  
仰視盡周遮俯瞰洩窈窕四時風月偏幽趣足花鳥  
卓然具大觀已覺天地小廢墜自何年碑殘不可曉  
一朝遇神君傑構出雲表八面透玲瓏虹霓向空矯



縱橫設尊彝方圓辨簋簠一朝禮罷新制作嚴苦窳  
諸生以時肄法物疑可睹丹鉛勒名字叙功紀大府  
繼念 聖人居修葺非小補置田計久長遺業事堂  
庶其餘付書院按給諸廩庾焚膏藉窮年絃歌出環  
堵清俸庇孤寒快舉詫豪臚及茲三事興春風播時  
雨能食海能教人將稱衆父祇云盡心力豈在異揚  
詡耆齡逮申伏鶴髮耀儀宇烈當徵蒲輪志已謝華  
組緊余所矜式贅詞託不腐慙慙囑俊髦嗣音守規  
矩

遊兜率巖

桂陽知縣凌魚  
舊署興寧

人生植大節所重在綱常况乃閨閣賢矢志勵冰霜  
青年失所天號泣稱未亡以婦代子職含泪奉姑嫜  
膝下有孤兒慈訓惟義方篝燈工紡績夜月照流黃  
弓裘幸不墜篤佑在彼蒼長君貢成均次子列膠庠  
以此慰母心劬勞永相將母曰酬泉壤食報非所望  
瑞氣溢庭幃七十壽而康孫曾欣蔚起雲路共翱翔  
盛朝崇節孝彤史擅芬芳母惟持大義曷敢邀闡揚  
賴有賢刺史謝諱仲坑作傳紀其詳因之傳志乘萬古飲  
名香母節誠可欽母德毋相忘愧我羈旅人陟屺望  
高堂十年踈定省風雨悵瀟湘對此心志怡長言當



畫棟朝雲飛珠簾夕月皎生而始一開風光伊昔少  
凭欄眺孤城紫氣清嫋嫋

遊兜率巖

邑貢段澄

羣山勢廻環細路盤空鑿寒江緊抱門層洞各微奧  
神界敞千畝雲霞生屐蹈琳瑯監平阜珠璣散崖瀑  
昏曉氣象殊恠誕難名號嶇欽狀不齊天地爭覆冒  
空翠墮斜陽幽深臂一到撥眼色青熒會心悟至道  
杳冥銷萬景清靜釋輕躁五丁力豈勝巨功歸大造  
冰無採奇興適快平生好

續讀李節婦傳

知縣李兆吉

七言古六首

遊堯率巖

知馬耿念劬

世事白衣與蒼狗乾坤氣化無  
不有堯率何年撐天  
開到今想像巨靈手  
我來偶從僚從觀  
二月風高逼  
雨寒黑洞徑逼游  
侵折石磴磴研跬步  
難乍入祇恐  
不可出燃炬摩挲  
翻詫異物態時時  
相攫拏陸離五  
色能悉記花鳥斑  
爛繡不成龍象龕  
巖紛送迎水乳  
長下響滴瀝石筍  
倒矗巖巖行水奇  
化石石化土雕  
繪飛騰竟千古一  
重劈空一重關錯  
愕驚悸心無主  
說向人間成大惑  
天工自巧非人力  
俯瞰長河靜練



表章

19

10

1

遊向子長懷終何壺

祈雨龍潭

耿念劬

我聞北山之北有奧府老龍鼾睡足雲雨能令須臾  
遍昭蘇神功歷歷伊可數祇今四野盡黃埃我今應  
愧斯民主欲問老龍借涓滴馨香遙薦豈伊吐冠上  
不聞石燕集昔戴令禱此石燕飛集冠上成大雨巖前幾見商羊舞龍  
兮龍兮潭水深巫尪為說得幽尋濟人須向急時濟  
肯負鱗甲養至今

孝養篇

知縣

劉正亨

吾聞敬齋陳子和孩提失怙孤苦多賴有貞慈邱母



明孤峰縹緲情何盡

和前韻

郴州王之梅

丈夫薙氣銷屠狗枉說遊踪遍九有咫尺靈巖未可  
扳先尋幸有寫生手瑤篇來惠縱嘉觀雲髓石胎照  
心寒五丁鑿破混沌穴世眼空悲蜀道難天地不惜  
靈秘出每從山水洩幽異齊諧志怪未足多茫茫六  
宇誰悉記堯率之觀自天成今古勞勞幾送迎瘦筇  
短屐不可得使君祇作等閑行風伯雨師淨塵土巖  
花春老餘蒼古幽尋極討殊不惡山川一日間為主  
清福帝客信不惑好事應饒心與力衆山響處勝卧

翻平地作川川水溢合圍已看松木頽巨甕又見神

龍失

松木神龍皆橋名

不知天崩地塌歎何為傳是半都光

蛟裂山出昂冠掉尾雄雞聲白鱗霏雲赤點漆頰更

千畝成洪濤萬竈人烟夜深汨可憐赤子盡魚頭逆

折衝波馬未逸抱石倚樹曾不留埋沙入土那可縞

平明險過荒沮如遺黎何處尋家室羣號父母對我

前為民除害真無術傾囊倒廩五百金沉溺安能十

濟一亡羊補牢竟何辭弔死慰生良足卹嘗聞月令

書伐蛟漁師令嚴季秋律澹臺不作飲飛亡旌陽仙

去室相比積誠悔過良有因天變可畏殊難必感此



在左提右挈將奈何艱苦備嘗說不盡母子零丁誰  
與訊乃令長長功已成慈烏反哺敦孝順朝夕承顏  
不敢違盡物盡志樂庭闈定省溫清禮益至寸草思  
報三春輝短檠夜夜燃藜火佔畢呻吟功益夥蜚英  
黌序親心歡立身揚名心始妥幾番膝下舞斑斕北  
堂萱母為怡顏禱神頻入金爐篆祝親壽考如南山  
陳子之孝有如此庶幾不負貞慈妣姜鯉孟筍美豈  
專孝養行看載青史

丙子七月書事

如縣羅紳

丙子初秋之四日惡風吹雨雨聲疾雷轟電掣江海

五言律 凡六十七首

春遊雲蓋山

邑貢 李永傳

春色近山城何妨載酒行  
雲穿風轉媚溪暖日暄晴  
洞裏千年鶴林間百轉鶯  
談空逢老衲半晌已忘情

遊雲蓋山

知縣 虞 瑤

迢遞稱雲蓋今朝得暢遊  
亭從空處立僧向定中修  
搗藥雲連杵談經石點頭  
寄聲林下友觴詠共悠悠

咏玉泉

主事 邑人 黃 紳

古刹靈泉聚傳來一色清  
銀河星萬點玉露夜三更  
仙桂經時發秋波此際明  
瑤池應共潔朗咏獨陶情



慘怛傷子心痛定無忘今日述

贈孝子胡珍之

詞林陸嘉穎

雲蓋迷烟湘霧渚樓頭別有高人處  
杜鵑血染白波紅澆酒喚君君歎語  
昔日堽麓奏伯昆此時原下流  
啼痕怙恃從今無復憾千秋百歲馨  
芳魂篤我是子克敦倫祇父恭兄萃  
一門試看松栢顏色古凜凜精英泣  
酒尊

嵐騰漢表奎壁插雲天谷水環龍瀑岩花伴象眠  
洞中寒石笋山外冷人烟莫怯松膏盡玲瓏更入玄

又次前韻

翰林麻吉  
士邑人袁才輔

絕壁東南勝空濛別一天遊人曾殺折佛子共龕眠  
削石穿雲頂飛泉繞玉田晚岩更奇巖想像願叅玄

遊梵安寺

郎中  
邑人袁玘

梵宮依舊蹟芳翠渾無涯紺雨朝鳴咽雲堂夜聽蛙  
禪機叅妙諦石鼎噴香茶西竺何時覓乘虛泛斗槎

再入梵安寺

邑舉人李廷東

雨入梵安寺霏談浩算涯松陰歸倦鶴池草入鳴蛙



石角奇觀

府判王廷璣  
邑人

溪水長年逝，峻嶒此地雄。  
一灣沙渚合，九曲浦雲重。  
日落殘霞外，星橫絕壁中。  
崢嶸留古篆，攬勝與誰同。

瀘渡

宋丞相朱勝非

曾到瀘溪渡，山青石壁麗。  
雲藏天寶塔，水遶率農湖。  
日暖魚增價，風和酒易沽。  
漁船交過往，商旅及成都。

興寧曉行

宜章進士鄧庠  
戶部尚書

微茫猶曉色，露冷過花村。  
茅屋聞雞唱，巖棲睹鶴蹲。  
雲林遙莫辨，市井寂無喧。  
此去膺喬擢，何由暫駐轡。

遊龍率巖

監察御史李朝順  
邑人

舊景八首

舊列八景題名之下今景已改訂一詩仍存其全

雲蓋仙亭

李廷東

孤嶼雲為蓋，凌競幾豁眸。  
四山羅紫戟，一水慣烏鷗。  
鳥盡爐灰冷，林虛道氣浮。  
月寒松籟細，清興臆神謀。

玉泉水月

李廷東

誰隙蓮花石，分明太乙浮。  
天心明月午，井地碧波秋。  
冷浸蟬華寂，空涵玉鑑幽。  
好看三五際，光潔若為謀。

辰岡徵應

李廷東

昔年經武地，聖世兆儒珍。  
深夜哇鉦鼓，清秋起鳳麟。  
女牆猶過月，灌木自留春。  
勔爾時賢學，山靈不誑人。



興寧縣志卷十

客厭空山雨僧息近午茶蕭然無世味何事更乘槎

遊羊角山

李廷東

排雲看直上曲角似擎拳石隙剖客屋山根自注泉  
鳥鳴青晝裏鐘掠五更邊我亦佳枯寂無能脫倍纏

遊羊角山

知縣耿念劬

列嶂橫雲峻中虛隱洞天迴看飛鳥下幽入斷橋連  
苔氣寒侵石花陰翠積烟扶搖如可接何處更玄玄

經廣教廢寺

寺在濠隅李氏村右今重建

李廷東

廣教過斜日經臺靡孑存陰雲蒸野水衰草結荒村  
鳥能啼樹無僧可與論江寒烟暝合漁笛自黃昏

仙代青牛逸剗餘石角雄月歸素壁半洲約楚弓重  
鷺振窺魚後鴻漸落照中我来恣甯叩眼界已成空

瀘渡漁舟

李廷東

瀘水清清滿漁翁刺刺便斜風吹細雨短棹襲輕煙  
一曲青峰數平生綠水千閑來攜婦子斗酒酌霜鱗

溫泉澡雪

訓藻  
邑人何道榮

勝蹟清華舊溫泉此地奇谷寒湯沸鼎波暖滑流脂  
玉瀝蒸炎井丹砂浴上池願分靈液潤四境洗瘡痍

婁婁巖

李廷東

仙姥耽幽吉曾恢石洞天紆迴螺頂邈縹緲燕巢玄



溫泉澡雪

李廷東

冷冷泉之性如湯分外奇  
混虛蒸溟滓輕煖快瘳癘  
樹裊虞薰細亭空點瑟宜  
冠童爭自浴原不亞春沂  
兜率靈巖

李廷東

楊矣靈巖腹紆迴幾洞天  
水流無甲子石刻有詩篇  
赤箭連金莖青芝控玉田  
一虛森萬象何處更玄玄

瑤嶺晴雲

李廷東

由來雲致雨瑤嶺見偏晴  
蒼狗侵晨合赤鳥到處明  
龍盤鬚暴帶鵝浴羽飛瓊  
顙比乾枯際無令一點生

石角奇觀

李廷東

興寧道中夜行

靖州學正林金

勞勞嗟遠役肅肅抱宵征  
露氣侵衣薄星光入路輕  
溪山連暝色蟋蟀起秋聲  
淡月朦朧裏征夫報近城

到興寧貽汪潯峰明府

林金

肅肅山城會欣欣舊日情  
綈袍傾故事杯酒道平生  
花照河陽色琴清單父聲  
行看繼前烈知己借光榮

別興寧貽汪潯峰明府

林金

醉飲琴堂酒慙勤別使君  
邊城懸曉月山路閣晴雲  
南國龍光逼西風馬首分  
衡陽鴻雁在消息可相聞

贈賓陽陳明府講學旋楚

少保鄒元標

吉水人



鹿吸瓊漿老御酣歲月眠蟠桃三五樹不食自年年

兜率靈巖

貢生樊嘉興邑人

巖外虛無物洞中別有天憑空羅萬象選勝累千年  
鬼斧修瓔珞神工鑄蜿蜒此間來老子返照亦流連

瀘渡漁舟

署縣胡文煥

灘到瀘江靜源從桂水來漁歌頻晚唱渡舫任遲回  
魚躍霜天月波澄金碧堆何人長夜泊沽酒玉山頽

瀘渡漁舟

知縣伍實

石磴千盤折江流百頃旋寒漪浮碧藻小艇破蒼煙  
櫓從施網輕簑應叩舷滄浪歌一曲清響落前川

月落程溪水烟籠故國城江中君世怨終古未應平

柳侯山

邑庠唐之禎

江中千古憾誰復計封侯自是漢家法難堪楚國秋  
梨花春徑冷豐草夜螢浮惆悵王孫去程溪不斷流

遊開福寺

知縣王佐

出世臨初地烟嵐拂面光鈴轂通井野幡影隔禪房  
古鉢叅龍象慈雲溢海航凭虛開福境塵世自茫茫

同友人登縹緲亭

邑貢楊菁

遊情競濟勝高閣快同登肆眺青冥合空臨紫翠層  
花陰憑月上鶴駕想雲乘藜杖歸來晚剏逢出定僧



湖海元龍氣符分見海洲俄然解綬意翻作問津遊  
我自塵為洞君歸鶴是樓衡匡原接壤明月滿涯頭

望仙橋

邑庠王國琇

橋自何年建嘉名記望仙鶴銜松蕊去鹿傍草茵眠  
有藥芝田裏無人漁棹前風濤流謾謾縹緲意中懸

九芝山

邑庠胡國璫

郊行餘望遠翠碧隱芙蓉徑轉花光淨山陰黛色濃  
不妨雲共旅最勝月為客想像商山跡天然簇九峰

榔侯山

李廷東

苦王孫暢山餘舊日名霸王疎網漏漢室剖符榮

十八列仙洞幽靈別有司神工鑿混沌終古蘊玄奇  
赤壁標蘇賦蘭亭表晉詩謝公一記後千載頌新題

和耿父師遊羊角山韻

邑庠李日星

層巒忽斷處一徑隔人天曲水紅芳合殘雲翠壁連  
苔衣常帶雨鳥道自生烟不盡探奇處新詩譜入玄  
將仰竈次李休山先生韻

邑庠蔡崇正

窈窕真龍窟潛驚萬丈淵游雲時護壁積氣自炊烟  
只此尋呼吸何須問汞鉛蒼生霖雨望莫任抱珠眠

題周源山

知府邑人曹隆

寶刹程鄉裏傳燈映佛幢高臨方竹杖清挹洗腸江



寓黃蓮庵

邑貢焦荃

石磴連雲入紆迴一徑深松根盤夜虎花外繞春禽  
鐘罷窺僧飯茶香賞客音目流長漢碧院落日沉沉

梵安寺

邑庠唐佐才

昔時開縣治此日梵王宮鐘鼓敲殘月樓臺散曉風  
禪心看草綠色相着花紅今古升沉事行吟感慨中  
雨後登縹緲亭

邑庠王或

亭惹游雲住山餘積雨青松韻餘鶴唳水氣帶龍腥  
玉井恣清汲瑶岡展翠屏登臺閒眺望牧唱隔郊坰

遊兜率巖

邑庠李珩

其二

清淑盤桓處規模此最宜  
雨亭留德澤射圃習威儀  
庭有芝蘭秀門無車馬馳  
輝煌泮沼近共賦鹿鳴詩

玉泉水月

訓導陳煥璋

一鑑含天色秋清分外鮮  
寒光猶照水夜色不侵泉  
甘澤冷清冽香膏浸玉田  
王明應用汲寧藉邑人傳

滁口道中

桂陽知縣  
原署興寧

凌魚

深林穿仄徑幽磴走銀濤  
雨意收巫夢禽散帶楚騷  
羣峰爭抱石一水僅容刀  
野叟遙相認停鉏慰客勞

玉泉

典史劉肇相



淪井靈丹現驅魔外道降湘山與雁塔勝地羨無雙

興寧道中

郴州司訓張九鐔相潭

清晨凌莽蒼細雨點輕裝野水渡頭急秋山雲外涼  
石危千樹黑稻熟半邨黃乘興原無事懷人路阻長

縣齋贈羅大令帶溪

張九鐔

百里能名著花封到處殊杯啣千日酒架插十行書  
官閣聯賓榻高堂奉版輿絃歌聊復爾相對意何如

漢寧書院落成志喜

知縣羅紳

傑閣憑山建光芒接斗城名區開舊尹大業付諸生  
地受書筠靜天依講樹清太平露雅化今日樂觀成

上書連屋餘波德照隣風吹紫荊樹酒綠正相親

雲蓋仙亭

邑庠 胡家驥

飛閣撐天外卿雲罩碧宇仙蹤疑可接佳氣自相融  
望若蓮花幕圍同翠羽叢山城長結綵五色靄簾櫳

迴龍望日

邑庠 胡家萬

峰高龍轉疾初日射矇矓懸象原天外騰空出地中  
欲升還自降未爛已先紅盥露登臨早扶桑目可窮

牛山宿雁

邑舉 胡興黌

山勢如牛突池深引雁歸野雲飛不到瑞雪過還微  
氣暖鴻先覺峯寒石作衣阿誰能叱犢終日鳥忘機



老寺何年廢泉流直到今龍蟠山骨冷風靜月華沉  
蕩漾兮光潤漪漣失淺深試看秋夜景誰作井頭吟

長岡

劉肇相

長岡天路近石壘覆鐘形響應傳更鼓崢嶸占斗星  
文光涵水碧曙色點山青登眺頻回首題詩肯勒銘

廻龍望日

邑廩郭啟慈

身寄廻龍寺雞鳴頂上行光從天外起日向海東生  
潮浪有高下雲旌互隱明卓裁須一躍萬里盡晶瑩

集杜題胡氏怡怡樓

湘潭

張琛

閉戶人高卧尊榮邁等倫豈知臺閣舊直取性情真

書齋通古剎瑞繞青龍山風曲盤松徑煙浮疊石關  
莫言仙籟寂猶見綵雲還瀟灑塵氛外幽懷百慮刪

溫泉

縣丞 邑人 李有福

石穴泉流煖池開氣尚歎旣田根半潤愈疾暑全消  
日浸東山近波浮北岼遙華清如可浴亭際不須招

玉泉夜月

邑庠 李儲祿

皎皎澄潭水良霄迥入眸冷涵蟾影潔清共鏡光幽  
窈窕魚龍靜空明荇藻浮洞簫三五夜吹徹海天秋

雲蓋仙亭

邑庠 胡清畏

高閣憑霄漢煙霞疊作堆窗櫺通八面城郭映三台



兜率靈巖

邑廩 蔡貽誠

蓬萊不可到  
洞闢古今秋  
石室和雲住  
山根帶雨浮  
逕穿迷鳥跡  
磴聳架龍樓  
更有潯泓處  
中峰欲砥流

牛山宿雁

邑廩 王世締

峰高雪不到  
池暖雁來投  
避冷非趨熱  
忘機且學鷗  
臨風千仞杳  
戴月五更浮  
春信傳如早  
牛山未許留

瑤嶺占晴

邑增 李會福

一氣成先兆  
迎暘吐紫氛  
青峰團寶蓋  
曉色度卿雲  
行從龍瑞今  
呈捧日文萬  
山開霽處極  
目正氤氲

龍書舍

邑廩 金逢原

玲瓏尋古洞縹緲見瓊樓夜半吹笛過應知跨鶴遊  
辰岡徵應

邑庠何鳳

振衣千仞上巖壑毓奇珍故壘餘鴻雁休徵協鬼神  
穀傳鼉鼓發彩蔚豹文新寄語懷才彥乘時屬偉人

雲蓋仙亭

主簿李綱

勝地今猶昔新亭更煥然雲烟千片落星斗一天照  
好鳥飛高下清音送管絃賢侯喜再造不朽盛名傳



捧日身堪近凌雲客欲來登臨佳興足仙闕在蓬萊

遊伴山亭

知縣張宗曷

勝地誰堪匹環山勢更幽遙分千嶂雨近帶一簾秋  
菊淡舒瑤座雲深護竹樓公餘頻玩賞別過興還留

補遺

兜率靈巖

邑貢蔡輔朝

神工凌海嶽幻闕自何年纓絡珠宮滿蛟螭絕壑連  
丹青環鶴柱風雨蓄芝田安得吳生手搜奇繪九天

雲蓋仙亭

訓導蔡佐朝

依碧漢佳氣擁丹邱喬木千竇合清江百丈流

七言律

雲蓋仙林

知府李端

砢磳孤撐一逕通  
仙臺縹緲翠微中  
蓬壺冷浸三秋月  
石洞虛涵五夜風  
町疇鹿場芳草合  
離披丹鼎曉雲籠  
不知前日朝元客  
曾到玄關第幾重

雲蓋山次韻

知縣陳元旦

勝概郊原一逕通  
翠巒繚繞碧雲中  
洞虛江瀉舍空籟  
樹密岩懸納煦風  
幾處嶙峋奇蹟著  
四時縹緲瑞烟籠  
羣黎仰止問閭閻  
下恍在天臺第一重

九日同宋廣文遊雲蓋山

知縣汪夢尹



明倫彙編

卷一

四

南雍卒業咏臺萊鴈程暫待天曹選鄉國欣從桂  
棹回愧我乞歸恩未許為君惆悵對離杯

興寧顧尹斌以詩推重次韻答之

鄧雲庠

盡口攜槩對碧山幾回乘興躡孱頗春風兩袖排雲  
上野渡孤舟載鶴還製錦羨君流惠澤投簪愧我任  
疎頑陶潛松菊今猶在三徑蕃蕪漫自刪

九日同人登雲蓋山

陳元旦

相攜直上翠微巔况值陽亭興灑然望遠喜偕楓陞  
客談清誰薄竹林賢萸當看處應長健菊到樽前分



登高隨例說重陽偶挈同儕到上方帽正不妨風作  
崇酒酣聊借石為牀雲留古洞苔花濕月逗孤亭樹  
影涼羸得浮生閒半日且拚餘興共徜徉

登雲蓋山

教授  
邑人王朝立

寶蓋嵯峨溢紫雲奇峰壁立豎丹雲四山繚繞蒼虬  
合一水潺湲鏡月分烟落岩花多寂寞香凝松逕自  
氤氲幾回欹撇塵囂態靜倚禪關日正昕

送國子生陳宜相還興寧

宜章進士官  
戶部尚書鄧序

采芹泮水久遺才喜向金門獻賦來北闕觀光沾雨

高閣倚雲開，四顧天光拂檻來。  
城郭蓁蕪時在目，川原繚繞幾興懷。  
珠簾細捲千家雨，畫棟直凌最上台。  
蔚起人文今有象，喜從潘縣借花栽。

玉泉

李端

一泓澄澈畫生陰，古寺何年此陸沉。  
花片暖浮春雨後，蛟鱗潛起碧波心。  
曉分玉綆千家足，冷沁銀蟾五夜深。  
彌目大田秋萬頃，等閑餘潤即商霖。

澄溪夜月

李端

遶溪流水碧泠泠，勾引銀蟾水底生。  
素魄涵波秋萬里，清輝濯鏡夜三更。  
液池露重金莖濕，仙桂香飄玉



興寧縣志卷一

外妍今日幸逢開笑口不妨吹帽落華筵

春杪登雲蓋山

知縣 耿念劬

山不在高仙則名凝然覆釜駐山城綠陰綴處春如  
織碧澗流來曉更清巖巖無勞筇作杖盤桓適共柳  
遷鶯一番花信驚新眼布穀齊穀喚早耕

耿綵房父師招飲雲蓋山

郴州 王之梅 貢

青催艸色望中賒盡日追歡未有涯過眼雲光惟一  
瞬回頭山迳已重遮涵虛洞古宜春月絕頂亭孤共  
彩霞令尹風流真好事落成還許醉仙葩

縹緲亭成

耿念劬

湯湯流水汎長瀾霞染征衣返照寒危嶂幾重青翠  
合平沙一帶葦蘆殘蕭蕭敗址思全盛寂寂高門異  
舊觀向夕停驂時盡目烟汀剩有釣魚竿

瑤嶺

端

南浦溪頭嶺萬重彩雲盡日在奇峰天鷺池上舒還  
卷仙子樓頭淡復濃致雨去時應有兆從龍飛處竟  
無蹤雖然一掬山川氣四海蒼生仰望中

昭德觀賦感

耿念劬

寂寂珠宮迥自開依稀仙路半塵灰誰云鶴有歸  
日無復花從去後栽金闕影浮青靄動玉簫聲斷紫



字清安得諷詩人尚在泛舟江上共怡情

醴泉書院

李端

一派甘泉積翠中  
泉頭書屋白雲封  
半窗燈火牙籤  
舊千古斯文氣味同  
衿佩從容均化雨  
門墻高廣藹  
春風於今文教昭  
天下莫訝丁寬易已東

東江渡

李端

銀潢一瀉遶東流  
野色微茫歆泊頭  
茅店雞聲人渡  
月霞天漁唱柳橫舟  
片帆烟雨搖千古  
兩岸鶯花伴  
幾秋何日臨流沽一醉  
西風長笛倚江樓

東江

耿念劬

奈何年作梵宮閭闔都入草萊中  
崇朝風送鐘磬  
千夜蟠高塔影空塵世網羅應勘破  
涅槃機趣有  
誰通鶯花莫恃春光富垣角青楓葉又紅

登羊角山

王之梅

飽歷崔嵬到上方  
洞門深引碧溪長  
盤回幾折山疑  
盡蒼翠無端鳥自藏  
絕嘯誰知雲作窟  
幽林別有石  
生香鐵耙遺取他年事  
種得曇花滿院芳

柳侯山

都給事  
中邑人  
焦起良

侯封遙望古岩頭  
迤邐江山靄梵樓  
地擁荒墟垂往  
蹟天教砥柱振中流  
石間騾跡懸孤徑  
洞口桃花映



雲哀未須更論長生事  
白日空庭看去來

又

府判王廷璣  
邑人

伯陽金闕傍雲仙  
五色芳菲一洞天  
深谷烟寒蒼檜老  
空林雨過紫芝妍  
丹懸九轉環龍躍  
路隔三清跨鶴眠  
幾度玄都人已去  
不知身在碧雲邊

遊梵安寺

王廷璣

寶刹從來羨梵宮  
於今身到翠微中  
松扉日掩天花落  
石磴香浮月舍空  
鶴傍禪關青嶂杳  
磬鳴經鉢碧雲通  
山僧煮茗供遊客  
話盡禪機日正紅

梵安寺感懷和韻

陳元旦

巔簇連雲溢九峰靈芝叢統帶陰濃瀑泉烟靄凝朝  
露石磴光浮映晚鐘仙舄翩羅勝概僧袈縹緲跨  
芳踪蹇幽不數青蓮社撫景登臨萬象供

遊開福寺

叅議  
邑人歐瑄

入夏登遊景物遷行勝錫杖喜相聯風松夜半生天  
籟雨蘚春深盪石泉沙界倚空難著相山僧入定尸  
忘年一韻清磬開蓮社共証宗門不二禪

秋溪山

訓導  
邑人黃應舉

行盡金龍儼出梯秋溪景物此山奇心腔廣大乾坤  
小眼界高明華岳低紅日舉頭渾不遠青雲轉足便



碧流想像英靈來往處千年白虎郡中留

黃蓮庵訪王子雪稜

耿念劬

絳帳風高護紫霞鳴騶遙引向山家  
歷來危磴溪聲細穿過密林石畔斜  
人倚窓虛生靜照樹連天碧漾空華  
幽尋已適薰葭望不許歸雲噪暮鴉

次前韻賦答

王之梅

松陰百尺映高霞飽為山光小住家  
十里騶從儀鳳下一簾花影拂樽斜  
在鎔竊愧金非冶霏屑驚承玉有華  
芳艸斜陽人影亂徬徨無奈數歸鴉

遊道應山

知縣朱朝望

千里巒烟轉夕暉還持濁酒換征衣得人敢謂雙珠

合關中拔梅

理篋羸將一草歸

時刻有黔遊小外

林鶴馴來

無恙否它琴彈處有音稀公家案積如山重祇應心

勞鼓吹違

贈興寧陳賓暘

桂陽舉人朱成文

先生理學入玄同啟鑰開關曠發蒙疏動龍鱗留御

覽書驚鳳閣歎宗工因知姓字傳青史圻見功名上

景鐘千載長沙稱太傅何論絳灌近重瞳

時陳任善化訓導

瑤嶺晴雲

邑庠曹光祖

一抹空青倚漢長白雲絮絮逗晴光方驚玉女披衣



相齊泉鳴谷應皆天籟促我新詩信筆題

題周源山

耿念劬

鬱蔥佳氣繞山岡  
蕉利爭傳古佛場  
回雁一肩行脚去  
紫霞無量劫星忙  
即看筋化方櫛竹  
還羨泉供石乳香  
三尺也應瑩壽母  
須知儒墨孝名揚

伏波將軍廟

解元李邦憲

矍鑠奇姿不可當  
據鞍猶得亞鷹揚  
能將岸幘窺文叔  
祇把壺蛙當子陽  
薏苡滿車翻作福  
馬人上日竟成行  
三灑廟食專千古  
回首雲臺艸樹荒

自黔關旋署有作

耿念劬

次耿父臺止宿東市元韻

邑舉人林春芳

廬花秋水滿平瀾  
唱徹征軺駐暮寒  
問倍市廛餘雁集  
傷心驛路有碑殘  
十年撫字勞清念  
一帶烟雲入壯觀  
莫訝雙鳬來信宿  
居然風味託漁竿

咏耿父師新建大椿亭

邑廩生王國瓏

曲廊橫絕小亭深  
掩映窗紗一樹陰  
若個形勞惟案牘  
湏知吏隱亦山林  
花邊閣筆應修史  
琴上無絃不索音  
豈必臨臯誇自昔  
大椿名勝有如今

耿父師春夜招飲大椿亭

訓導袁琰

紅燭高烧浹夜情  
春花滿眼照人明  
一行歌管流清



立却遣金烏叱馭忙驚羽浴時偏帶潤龍鬚曝處自  
昭陽乾中燮理天工巧別與陰晴作主張

羊角山

邑庠 何瑤采

紺碧珠宮翠蔚中閒雲深鎖小橋通諸天靜處惟容  
月萬卉交來不礙風藏閣經函翻老衲石臺香飯走  
阿童寒泉只向春田注不向人間泛落江

遊縹緲亭

邑庠 曹昇

飛閣流丹散錦霞翠微深處老僧家到門漸覺溪山  
步磴翻驚日月斜醉倚危闌吹短笛閒憑歸鳥看  
臨不倦探奇興還逐遊雲渡水涯

縹緲亭新成

邑廩李榮瑞

山靈空鎖上方幽，冷月荒雲歷幾秋。  
名勝自須逢巨眼，高標從此快同遊。  
曉風樵牧鳴無外，夜月笙歌到上頭。  
文運應知乘國運，屹然一柱起中流。

遊縹緲亭

西昌康惟幾

亭高人望拂衣輕，影到江流翠到城。  
石磴曲盤松露濕，闌干下見岫雲平。  
參差樹色留烘染，遠近山光縱點評。  
此夜峰頭看月上，資陽一道照分明。

讀書雲蓋山

邑貢黎繼聯

敝帚無靈笑敝裘，還攜殘卷陟丹邱。  
蒲團靜洗三更



韻千歲春秋証宿盟庶政應從閒裡靜華亭恰自隙  
中成高標照出扶疎影不羨河陽萬樹榮

縹緲亭

邑庠黃賢良

嶙峋秀拔映三台縹緲亭成萬象開鴻雁影從江外  
度絃歌轂自月中來祥風披拂蘇民愜佳氣鬱葱壯  
士懷樂事無邊隨意足登臨即此是春臺

春日登縹緲亭

邑貢譚廉

鶯黃蝶拍闌芳菲影趁遊人入翠微磴逼天空紅日  
下窗開木末白雲圍山環百里春深淺樹繞千家影  
瘦肥被化莫須悲老大也從此地學忘機

和耿父師春杪登雲蓋山韻

邑庠王維正

風流神宰占時名，載酒登臨出化城。  
溪度小橋雲影靜，鐘留古刹梵音清。  
四山圖畫千尋嶺，一樹笙簧百轉鶯。  
處處陽春歌欲遍，祇今斤鹵有深耕。

春寓廣教寺

邑庠李瑛

晉洲古刹建山城，綠野青莎次第生。  
香霧壙濛浮谷暖，烟鐘迢遞渡江清。  
漁歌不碍山人耳，梵語能消客子情。  
雙鳥多情飛款款，雨花臺畔試經行。

和耿父師春杪遊雲蓋山韻

邑庠袁瑛

雲山竦秀舊知名，勝蹟新開壯斗城。  
遠近林巒增日



月藜杖閒拖一徑秋花冷斜陽銜洞口風高小鳥說  
枝頭宜人臺上看縹緲千里從教指顧收

玉泉水月

邑貢黃仲斗

一泓冷月舊知名香剝銷沉幾代更尚有花開千樹  
色不聞鐘放五更聲銀蟾夜燦琴書潤玉綆朝絲笑  
語清莫道閒庭惟貯月會看霖雨遍蒼生

和耿父師縹緲亭成韻

考授州同知李其顯邑人

獨立層臺四望開白雲縹緲去還來空垂木末風生  
袖靜轉庭陰月入懷却訝鳥猶飛地底自驚人已到  
天台俯窺城郭千家小羸得山花處處栽

廻龍望日

羅紳

夢裏行憐憶祝融雞鳴山頂望瞳矐千層潮水全飛  
白一道火雲相送紅直擁金輪輝世界莫愁羊角舞  
天風應龍欲去頻回首笑指扶桑在此中

瑤嶺占晴

羅紳

微茫百里浦溪橫一朶瓊瑤分外明光射龍鬚初宛  
轉氣蒸仙塔尚崢嶸如逢太史書雲物不用農夫課  
雨晴今日秋高無箇事早看曙色到層城

程鄉醪水

羅紳

程鄉醪水水經傳別派猶存官酒泉千日醉供高士



麗扶疎岩樹引風清翩翩不羨玄都鶴  
睨睨猶逢翠陌鶯雙舄遙飛時盍目會看南畝快春耕

雲蓋仙亭

知縣羅紳

藤蘿一逕儼登仙石壁涵虛上洞天  
山色遠浮雲氣外人家都在碧陰前  
依稀城堞分朝樹詰曲溪流度晚烟  
最是官齋凝望好翠微終日映珠簾

玉泉夜月

羅紳

古寺何年化井頭躍鱗歸去似雲浮  
蟾光滴露深宜夜桂影澄波滿汎秋  
皎潔有情牽玉綆高寒無語對瓊樓  
佗時飲馬投錢去一勾清風為我留

牛山宿雁

羅紳

嚴風蠹起玉巘屹過嶂先驚路百盤人道牛山非信  
美天留雁蕩是奇觀三冬羽浴全春暖六出花飛未  
覺寒早晚衡南春信近青霄漠漠見高翰

秋日漢寧書院雅集贈唐京安胡億來蔡宇瞻

胡庠升諸同學

郴州訓導張九鐔

凌雲麗日共飛翔講院初開特擅塲綠水清溪環縣  
郭芳林翠沼近宮牆卷中品第留金管物外風流贖  
辦香何限論文樽酒興一天秋雨散新涼

興寧書院落成規制宏敞真然鉅觀喜賦二律



興一孟清祝大夫賢應從同獻知名早自信移封得  
味全重與資陽拙舊景觀湖風月記年年

兜率靈巖

羅紳

寶氣東南鎮玉函諸天青碧倚峴峴松明夜照雲常  
冷石乳寒生雪半嵌幾處樓臺喧寂歷無多鐘鼓隔  
塵凡憑誰譜入名山記道是當時一謝巖

爐峰裊烟

羅紳

西望瓊瓏邀畫圖屏風幾疊勝香爐影穿奇石羣峰  
新彩散蓮花五色鋪仙鶴飛來晴靄靜梵鐘敲斷暮  
三孤興餘扶杖登臨際九嶷外煙濤似無

音心勞又見瓜斯代尺素空煩出故岑

初春自竹篙嶺下豐溪至東江凌魚

順流乘雨下豐河路入溪橋雪轉多古寺地寒僧送  
炭淺船蓬斷客分簑石峰抽笋當胸出灘鳥呼羣向  
眼過最喜梅花香匝岸枝枝搖曳逗陽和

登九芝山

邑廩郭啟哲

芝橫九點定誰宗指顧西南最遠峰即擬天通凌落  
雁正逢日出對迴龍鄉城水石千邨散花鳥春潮一  
片濃獨有山家風景別晚鐘鳴處白雲封

玉泉夜月

知縣許顯森



呈羅帶溪寅長

桂陽知縣  
原署興寧

凌魚

鳩工幾載闢城隈，作始曾聞舊尹來。  
四壁已開絃誦地，百年還豫棟梁材。  
綺疏繞砌通涼月，傑閣凌雲接上台。  
從此資江成鹿洞，春風桃李及時栽。  
作人雅化詠菁莪，講學從來樂事多。  
吏治豈惟塗色澤，儒林應復振枝柯。  
潛鱗待躍歸滄海，棲鳳須培上曲阿。  
破格喜君能養士，興來聊用紀長歌。

興寧署中和許宛彤見懷韻

凌魚

秋入資陽苦雨淫，溪流隨處似江深。  
筍興度陌晴觀，陌饒馬當簷。  
夜拂琴坐愛遠山含秀色，起聞中澤發

望仙橋

許顯森

化鶴飛昇跡已遙，千秋悵望許誰招。  
山空玉笛聲何處，雲去青鸞憾未銷。  
花落鳥啼真自在，風清月朗綠塵囂。  
灤橋倘接銀河派，顧盼仙槎採碧霄。

贈胡孝子珍之

邑舉人 曹亨時

綸音奕奕下怡樓，仁孝聲從御墨流。  
自是精誠通北闕，非關虛譽動南州。  
雙魚夜進親心慰，片肉晨調子職酬。  
遙憶泉臺靈不昧，還隨膝下弄雛鳩。

己未夏登怡怡樓賦感竹翁先生



古寺何年陷碧流  
泉根月色兩悠悠  
老龍酣抱珠光  
睡玉兔香隨水氣  
浮樓閣千秋留  
往蹟風笙半夜起  
清謳徘徊幾度尋  
源意直欲凌虛  
泛斗牛

兜率靈岩

許顯森

巨靈斧抱碧岑開  
匠巧都從天上来  
五色霞光蒸洞  
府千年石髓結樓臺  
松風疊奏笙匏韻  
龍窟深藏竹樹隈  
咫尺元關如可叩  
更於何處覓蓬萊

春遊雲蓋山

許顯森

漫咤南山是小峰  
盤紆古磴石重重  
千家烟火依城  
半一溪溪穀難梵  
鍾樹盡棲雲風跌宕  
常貯藥艸

例几牀運化工象跡秋溪雲黯黯龍潭春盡雨  
嶺東南半壁探奇景我欲凌虛問太空

遊桃源窵窵洞

袁琰

懸巖引勝度橋來洞裏蒼雲鎖碧苔石像參差成法  
界嵐光杳靄映香臺幽深自僻真棲境宏敞偏宜福  
地開莫令武陵漁父近仙踪久已絕塵埃

瑤嶺占晴

邑貢李樹福

一幅晴雲列翠微層巒映處繞清輝輕浮曙色初成  
漸入空明化作衣影射龍鬚鋪錦細光搖佛髻點  
霞飛鄉邨早歷平田景金碧遙看照四圍



教諭何同尊  
邑人

閑來此地幾相依把酒高樓興欲飛  
吹徹壙簷成絕調花開棘萼有餘輝  
一生潛德馳青瑣萬丈文光接紫微  
為憾騷壇旗鼓歇化龍人去悵無歸

牛山宿雁

邑人蔡顯莘

雅愛耕雲坡際行空羣孤雁伴雲耕  
有心犁向前山雨何自遷同出谷鶯春  
老岡頭猶抱膝秋高峰頂任舒翎  
硯然寧鮮相招侶得似披雲挾羽輕

兜率靈巖

典史董偉

一約靈巖兜率中天開石屋作禪宮  
玲瓏鐘乳垂星

碧雪草以來特地靈雲氣卷舒看變化願鼓嘯嘯訖  
叮嚀高僧拄杖慵來往半嶺風寒日閉扃

縹緲亭新成

邑庠曹名世

亭成縹緲信悠哉秀聳山南萬象開點綴文峰輝五  
嶺玲瓏畫閣映三台城橫几席如環衛水帶瀛洲共  
溯洄應識離明增麗景登臨先擬出雲臺

醕醑泉

邑監段紹蘇

醕醑名傳地脉長同源異派是程鄉淺沙倚岸滋靈  
液曲檻凝寒滴玉漿月定和雲空素色烟迷依草自  
生香湘吳醕酎還相繼珍重如傾竹葉觴



興寧集卷一

玉泉夜月

邑貢段紹時

誰識瑤池月色多  
龍蟠古寺水盈科  
冰輪倒擁層霄  
露輕移五夜和金縷  
有時翻白雪玉麟無處覓  
清波臨流儼泛滄浪趣  
歆繼當年孺子歌

賦得山作劒攢江寫鏡

邑拔貢  
教習唐宗鎔

隱隱城池盤屋間  
江浮寶鏡劒成山  
干霄欲拔神龍

膽知寒固象姦月入重淵峰倒影霞飛高岫水

遙知華石裴回處  
雙帶依稀認佩環

曉望石牛山

邑庠金相晉

千山聳翠屏  
曉來疑望夢  
勿怪聖氣到處沾天

輪蒙谷近

望日

碧雲幾點赤鳥懸

占晴

醅醅醅

泉原盛

程鄉

石洞奇探海陸全

兜率

凝望晴嵐騰寶

鼎

爐峯

翩翩霜信伴牛眠

牛山宿雁

雲蓋仙亭

邑庠許

琇

雲鎖中峰一望青光籠晴樹藹山亭從龍自應羽為

蓋出岫還疑翠作屏層閣參差看繚繞重岡窺窅足

娉婷含虛莫道傳踪古佳氣由來屬漢寧

吊蔡耕來明經

翰林院侍講

張九鑑

大雅憑誰識所從先生有道擅儒宗風標清擬雲中

鶴氣節堅寒雪後松家世一經傳素業典型三楚想



縹緲亭

邑貢 李全福

縹緲奇觀壯楚州  
星移猶幸舊基留  
欣逢令尹輝雲構  
快睹新亭紀勝遊  
遠翠干霄橫碧落  
清溪遶地泛瀛洲  
資城風景人烟聚  
好倚危欄一望收

爐峰裊煙

邑廩 王世基

一朶青危勢若懸  
丹凝寶鼎供真仙  
寒香細動非關火  
紫霧輕籠似拂煙  
鍊氣已知成百劫  
點頭應覺逾千年  
山靈此日開生面  
不羨蓮花九葉全

八景總咏

邑增 李侯祿

臺秀聳翠微巔  
雲蓋朗映龍沙兔  
影圓紅旭

五言排二首

贈同寅譚廣文十韻

知縣羅紳

鄮水耆英舊程鄉物望推  
蘇湖垂律令申伏仰威儀  
已拂春風至還看化雨宜  
專齋聊自好清俸樂頻施  
俎豆存佳製宮牆振遠規  
幾除堂下甕不壞壁中絲  
雅惠分冰座餘明映雪帷  
曉寒資廣廈種學得新菑  
禮罷千年在絃歌一邑思  
遐心卜金玉歆賦白駒詩

醺醺泉書院

訓導邑人許達鵬

醺醺傳名舊陰陽得氣先  
醇和同聖水甘美溢靈泉  
源自程鄉發香符醴酒鮮  
珠含明月夜影淨碧雲天



真寧縣志卷十

遺蹤少微星墮芳聲繼會看蘭階玉樹重

諸寧謁祖適羅邑侯修志喜賦

劉良璧

臺道

水衡自古接興寧自問淵源溯水經一  
代高曾淒雨露百年風俗著芳馨  
歸尋故里堪頭白家說遺編重  
汗青却羨鳴琴佳政在可能扶杖到莎庭

秋夜書院

羅父師賜顧率謝

蔡貽誠

邑廩

樂育堂開化雨濃價增十倍愧登龍  
高山在望思攻玉仙吏超凡偶采  
薪琴度清商催暮鼓風颺矯鶴微  
晨鐘捧來大雅撐文教力挽衰頽仰正宗

七言絕 月二 一 三 言

花朝偶遊雲蓋山

知縣

耿念劬

簿書未許識春光  
偷得花朝一霎忙  
石磴小橋流水去  
夕陽滿路菜花香

兜率巖

宋末  
州守

阮閱

泉如鉛汞流丹竈  
石似珊瑚出海濤  
不會當年融結意  
區區雖巧亦何勞

七祖肉身偈

耿念劬

我性本來無住著  
更於何處覓元身  
一拳打破骷髏障  
要見從前自在人



設權稱官醞飛觴任醉仙孤鴻潭底度萬象鏡中懸  
翠映淇園竹清宜茂叔蓮圓融涵性體秀潤起英賢  
有本終歸海循流想濟川道林松颺省窟蟬雨綿芊  
講學人雖往觀瀾址尚傳典型欣所託文教每重宣

少錯認全身在畫圖

戊午春先農壇率農官行禮  
縣知王伯麟

天邊雨露更何私  
野老冠裳八品資  
堪歎四民農最苦  
而今也有出頭時

題陳節母邱氏貞慈卷  
訓導陳西津

婦道惟貞母道慈  
貞慈兩盡更無遺  
皇天眷德元無斁  
畱向房帷作女師

次耿父師春遊雲蓋山韻  
邑庠王翥國

奕奕高亭煥曙光  
使君花令曉風忙  
蛟龍壑裏春先



丹竈黑

卷十

和韻

柳州貢王之梅

虛室粉碎原無有  
那管前身漫把肉  
身驚肉眼北窓自有上皇人

溫泉

阮閱

誰將炎熱換清涼  
可使澄泓作沸揚  
從賜驪山妃子浴  
人間處處重溫湯

醪醕泉

阮閱

玉為麴蘖石為壚  
萬榼千壺汲未枯  
山下家家有醕酒  
釀時皆用此泉無

除口道中口號

次念功

和耿父師花朝遊雲蓋山韻

唐必端

鳥喚芳辰靜曉光  
遊情不許簿書忙  
憑高更願披雲去  
冉冉天風瀉御香

瑤嶺占晴

邑恩貢 蔡顯中

一朶彤雲往復還  
幾從雨後看前山  
晴嵐開處山猶濕  
樹色空橫夕照間

瑤嶺占晴

教諭

譚顯名

萬山環處一峰懸  
三素晴依尺五天  
幾度清烟霏散翠  
嵐爭掛彩雲邊

兜率靈巖

譚顯名



滿不盡寒花覆地香

和耿父師兜率岩韻

邑庠

王家聘

萬象已羅造化胎  
千年寒色淨蒼苔  
探奇擅有神明宰  
無復漁人迷去來

次耿父師遊雲蓋山韻

邑庠

王家亮

遊情一道趁春光  
若為春留惜去忙  
春事不隨流水盡  
晴雲時護墨花香

又

訓導

邑人 曹逢通

依依林表逗春光  
賺得遊人底事忙  
得句夕陽山影外  
一溪寒玉似滄浪

身

迴龍望日

邑庠 何同柄

瞳矐初起浴扶桑測景臺邊接曙光雲海盪胸當絕頂寅賓何必宅嵎陽

縹緲亭

邑貢 曾成勳

翠結千層第一峰玲瓏開處削芙蓉山南隱霧人何在片片雲衣出曉鐘

漢寧書院

邑廩 陳啟麟

壽考作人景運開經營學舍傍文台東皇有意分蟾窟丹桂森森著意栽



此堂照元  
三

神工鬼斧自何年一洞虛舍別有天  
蕊結層巖神變化靈竒爭鎖隔輕烟

兜率靈巖

邑庠王恩順

青冥石洞忽中開風馬霓裳日下來  
歆問諸天竒絕處謝公遊屐幾時迴

玉泉

邑廩李清正

一泓澄澈畫生陰隱現銀蟾五夜深  
萬頃香膏流潤澤無源那得到於今

牛山宿雁

邑監楊信通

無心學石井山頭鴈  
寡氣爭榮不知昔忍斯易

西舍亮景入瑤池  
縷帳霜寒掩素姿  
卅載茹荼還飲  
難苦心端合栢舟詩

烏啼夜永漏淹淹  
晝夜九熊燈火嚴  
厯盡寒更辛苦  
徧祇因教育一身兼

松筠節操卓然欽  
四十年中一日心  
潛德由來多食  
報鶴書好見下璫林



仙嶺題詩

邑貢許楫

嶺上何人鐫古詩拳身蚪蚪礎文垂憑誰移向岫嵒  
去便是當年神禹碑

爐峰裊烟

邑貢黃如潤

彷彿人間偉丈夫全無倚着更誰扶片雲頭上輕飄  
孌躍入天門作御爐

醺醺香泉

邑貢樊文模

醺醺溶溶甘且香天留美祿不尋常酒泉幾欲移封  
去不信當前是醉鄉

興寧縣志卷十一

知興寧縣事蒼梧羅

紳纂修

紀異志

災祲

兵變

仙釋

附寺觀

紀異者何以異故紀之也天道有陰陽寒暑雨露霜雪之期人道有宮居粒食生養死藏之節失其常而不為病者未之有也故災祲異也兵變異也推而至於仙釋亦異也怪力亂神事歸一致故并仙釋紀之而以寺觀附焉雖然災祲兵變異之大者抑由人事歟天道歟先事預防因時濟變固皆有土者之責矣志紀異



卷之四

七

卷之四

嘉靖三十七年春有怪物能翼人形聲變幻彌城  
間呼為猴精至夜羣聚鳴鑼以逐之凡十餘日  
而去

嘉靖四十二年有紅水出東城濠如血色

隆慶六年九月二十一日午時城西隅蓮花橋失

火延燔啟聖祠西廡須臾火飛東北南隅及城

中死者十有一人

燔啟聖祠西廡見通志

萬曆二十九年春妖物變幻魘人一如嘉靖三十

七年事是歲疹疫大作知縣虞瑤禱於隍祠乃

消



災祲

明

天順五年大旱虫食苗大瘦 見通志

正德十六年正月有烏雲如車輪擊逐空中自辰

至巳始沒

嘉靖五年夏大水漂民廬

嘉靖十九年七月大水

嘉靖二十年八月西北有聲如折柱野雉皆鳴九

月有星隕於二郡民舍化為石

嘉靖二十二年正月雨至戊四月

崇禎十三年冬白虹見西南首尾至北

朝

順治三年四月大水既苦旱至七月乃雨

順治四年饑米衡以下乾糴乾食者滿鄉市斗米

銀七錢又是年山崩山崩見州志

順治八年大水湯邊下保等處田多沙塌山多崩

裂溺死者甚衆一家住山下七口皆沒是歲再

饑斗米銀五錢

順治十年虎入城市傷人以百計民間晝日閉門

途絕往來適有廟神出降令叩神者閉目示一



萬曆四十二年正月雨至四月

萬曆四十五年春猛雨經旬不絕田廬漂沒不可  
勝紀是歲米價騰貴竹梢忽生米狀如麥人取  
以充饑

萬曆四十七年虎災鄉民多被傷知縣吳子騏禱  
於隍祠尋得止 王廷璣為撰牒文見舊志

天啟四年四月至七月無雨老幼日採蕨根餬口  
兼以遼黔加徵師旅饑饉民多逃徙者

崇禎十三年正月積雪經月地冰堅數寸

崇禎十三年冬夜地震

康熙七年正月廿八九日初昏有白氣如鎗長二三丈見長庚星上隨星轉浸

康熙八年四月降霜高山雪六月八面山又雪  
康熙八年秋半都被虎患最慘附近間有傷者數月乃息

康熙八年臘月盡雪雨至九年閏二月

康熙十二年初夏日月磨盪晝夜不停色赤眩目  
俯視水中始見秋末乃止又河中小魚浮滿水面信手可獲名為刀鎗魚又西北方天上偶見  
關刀長丈餘色赤逾時乃隱次年春遭吳逆變



薄戒勿洩薄高二寸藍字大書中列諸姓名皆  
先後被虎毒者歷十七年始息

順治十三年八月念二三日雨不甚驟及念五日

處處泛漲乙陂近江等房屋人民漂沒甚衆

順治十七年三月望大雨雹

康熙三年秋虫傷稼

康熙三年冬有星昏中天長丈餘尾大如帚向西

蓋彗也幾月始沒

康熙四年元夜雨如墨汁著物皆黑魚舟內若煙

煤掃之戎唯

處多遭患

雍正十年四月初八日雨雹

乾隆元年六月不雨至十二月

乾隆四年虎災先是雍正十二年南鄉多虎患至

乾隆二三年率月傷數人本年尤甚衆情粵東

巫師遣之又立趙公廟於人和墟上憲復飭

令地方官盡法驅捕迄八年四月始獲一虎重

三百餘斤

乾隆七年六月宜榔等處麥糴斗米銀三錢是月



凡五年

康熙二十九年冬大雪冰厚數尺溪澗絕流次年

二月始泮

康熙三十六年七月彌雨連旬大水漂蕩民廬田地沙壅石礮者七之三

康熙四十二年二月大旱三月不能下種西南北三鄉尤甚知縣謝乃實步禱隍祠及廻龍山仰灶龍潭至五月未旬始雨明年饑斗米銀三錢三分鬻男女賣產業者強半

正元年正月大雪凡四旬樹木所到大半

者叢木橋浚裂山而出洑漢復神龍橋至三者  
炭廠鋪屋漂沒五六百間淹死者三百餘人知  
縣羅紳捐給掩埋築室銀親加賑恤

耿志灾祲天行也有人事焉志之所以重本也  
楚莊以無灾為懼春秋於災異必書劉向父子  
附會徵應失厥旨矣古之良臣日取四方水旱  
盜賊而書之上天子欽令知民間艱難耳故  
君相能與氣數爭民命而守令能與朝廷爭賑  
恤則災不為灾也五事修則五行順災感之退  
應在一言豈伊異人任哉消弭誠不可以不預  
矣

### 兵變

明

正德三年苗寇亂陷永興興寧見州志



十五大雨至二十二日壞近江田禾西坵尤酷

乾隆十年夏斗米四錢

乾隆十三年冬無雪次年疫大作

乾隆十四年三月晦日風雹大作

乾隆十五年牛被瘟疫幾盡次年春耕用人犁

乾隆十六年夏斗米三錢八分七月十一二日大

雨水漲漂屍棺無數

乾隆十八年二月初十日雨至四月二十日秧苗

皆壞

乾隆二十二年七月初四日未刻大雷雨蛟自半

旗軟血幸同黨自攻拿巨惡四人申允訖戮亂  
風稍息

崇禎十六年流賊張獻忠犯衡陽選授偽職偽令  
易禮清偽叅謀楊台治九月至縣時知縣馬士  
達被執尋得釋前義勇盡附賊臘月會榔耒賊  
兵犯粵東抵九峰司賊走粵虔大兵追至寧境  
焚擄殺戮慘極贛州發官兵鎮守通縣保留前  
任馬令復任究叛賊約殺五十餘人

國朝



嘉靖四十四年上下連嶺賊首黃積珠等作亂南

贛都御史陸應龍剿平之

見州志

隆慶二年雷家尚等賊掠鄰境會有奏請剿者遂

負固以叛南贛都御史張紳令擒其賊首楊子

常李時學餘黨悉招撫之

見州志

隆慶四年羅水山賊黃朝祖等作亂虔院張紳調

兵討之

見州志

崇禎十五年寇盜蠶起在城梟惡凡五十人晝則

帶刀出入夜則酣歌聚飲邑令不克究反收多

人爲梟梟九真罷直主來野署卒致終未也

王請蔡手統兵同參人至魏文初請五軍  
緝兵數千直至歐家寨交鋒蔡將先傷孟軍十  
餘人繼受孟軍矢傷而退之王大敗孟軍抵城

市放擄七日未幾江西副總王為聖監軍王雲  
先督兵帶楊鑑署寧因王鎮肆害鄉衆環攻求  
赦南路脫去復有段鄆亦從江西委署隨有原  
副總曹志健據龍虎關稱公爵委換銜永柳桂  
官職道州人陳蘭來署寧自明以來徭人屢為  
害時因假兵擄掠又幸自敗各團鄉民乘勢入  
尚焚戮數日殆盡徭患始息今居尚者多係招  
墾鄉民



順治二年十月江西叛僕構難副總曹志健統兵  
萬餘由寧道進勦

順治四年五月十三日知縣李士貞來任寧始隸版

圖

順治五年原署寧吳之玉避徭崗因各處風起江  
西督師劉季鏞委之玉本州兵備道率徭人出  
縣時陳星從桂陽委署寧粵東副總歐委唐姓  
者署寧未旬日我大兵至柳委宜章典史韓  
文炳署寧之玉擁李令士貞入徭崗約半月之  
玉請蔡將統羽兵同徭人至韓文炳請孟軍門

實寧止坐黃贊玄復署治一輩餘

順治七年亂兵往來無時四月奉本朝招安未  
半旬又罹紅寇走入桂東擄害寧境田舍皆拋  
荒

順治九年秋李定國統兵突至衡陽郴六城印官  
於八月望夜從鄴縣奔吉安會於武昌蔣甲梅  
奉李營委任寧取協濟糧米諭士民具告荒狀  
詳請以熟科徵浚卽因例除荒至今被其餘澤  
十二月知縣線維統來任時有殘營逃兵烏合安  
仁鄴縣者萬餘大肆擄掠即前所謂紅寇也線



順治六年二月高李二鎮兵數萬突至永興郴州  
發副總梁帶兵至委原任永興縣徐中斗署寧  
四月鄭王統大兵追高李入粵委衡州人  
黃贊玄署寧抵縣一日隨有五鎮軍門帶兵數  
萬盤踞鄱安桂東寧邑四畝報警城市盡空是  
時寧西北屬本朝東南流兵竊據六月初羅  
鎮統兵入城九月初我大兵至五鎮兵馬走  
入雷崗及兩桂各山東南之民已無地可棲西  
北兩鄉渡遭耒陽人黎元宣招惡黨數十計委

署寧土土長來市月余自以有十萬百七

三斗腳價一兩五錢

順治十一年正月賊於八面山奪糧米數十挑走入上連崗又欲從竹崗口出犯城先大村人與運溪口等衆入竹崗通上連扼要處砍伐大樹塞道十餘里賊至砍二日夜不得通鄉人探知男婦遠避鄉勇防禦隘口賊乃假他道長驅衝竹崗口而出殺守隘者多人屋舍盡焚報急線公遣柴大柴二等十餘騎前驅親領線彪等接應賊衆已上車田地又殺守隘者數人柴大等



日夜戒嚴遣家丁線彪柴大柴二楊把總張明  
俊郝雲等分路堵截擒獲甚衆寇據雷連猺崗  
公領家丁前驅義勇鄉兵尾後入崗捕剿賊衆  
潰走桂東公令鄉勇守塞崗口民始賴以耕

順治十年紅寇潛出四板橋大舉寇寧進圍城北  
闔邑奔竄數十里絕烟火者三日線公率其弟  
線三男線彩家丁張明俊等五六騎往來馳騁  
於城西高坡以為疑陣線彪等十餘騎殺入賊  
營奪其大旗數桿賊衆不知虛實大潰公合二  
十餘騎追殺至平田而還賊復奔桂東未敢窺

數千至招降而返縣令徐犒賞牛酒糧米給人夫乃免肆掠出境

康熙一年 大兵進剿西山本縣派運夫三批夫價每名初一十二兩後減至七兩寇亂饑饉之餘重以夫征民貧剝骨

康熙十三年三月吳逆變亂錢糧預徵差役繁重雞犬不寧者凡五年

康熙十七年三月十八日 大兵恢復吳逆退走雲南征南將軍穆坐鎮州城蔡李高三副總鎮



衝突而前賊衆應弦而倒乃退走柴大追過車  
田河又殺大旗手二鄉兵協應公劄車田地以  
彰兵勢令線彪等合兵追進竹崗口賊倒戈自  
踏溺水墮崖者不可勝紀勢遂大亂奔崗中公  
合桂東官兵分道進剿賊衆乏食盡徙江西廣  
東散去

順治十五年逃兵劫鄉境見州志

順治十七年逃兵萬餘忽由永興十八都晝夜兼  
行抵桃源江觀音閣役間道至半都源塘江口  
出青草二都過廣東王布司人不及避所經殺

仁佛

無量壽佛 錄州志進士袁子讓原本稍節

即全真禪師姓周氏程水鄉人母熊氏有摩尼入

懷之兆產師顧面大耳骨立性好定幼出家部西

開元寺初叅徑山道欽禪師即立禪關為錦留一

牖跏趺其中不間寒暑唐天寶末辭徑山之羅浮

披經悟法嘗從一高僧觀海僧戲謂曰苦海無垠

如是哉師曰衆生之所謂苦海菩提之所謂性海

也僧諤然延之上坐一日歸省其母母具雞黍師

不敢拂命食竟趨江許出腸洗之未幾遊衡州過

雁峯寺寺僧怪其形不吐宿師曰可借一行僮子  
僧嗤之曰行僮難覓要泥塑金剛吾當奉汝師即  
以手持一金剛像然倒地成一金健僮隨師荷簋而  
去衆僧驚追之師曰五百年後吾當歸雁峯以一  
袈裟一偈遺之至德初遊全州遂於湘山初淨土  
院居之暇依甚衆會昌初謂大衆曰大劫將至僧  
當易衣冠矣師遂披紫霞衣頂青崆冠擲頤下肉  
成顙頂上肉成髻蓋預知武宗欲滅釋教也唐武



守寧邑供億繁苦每石糧用銀數十而

十一

守寧邑供億繁苦每石糧用銀數十而  
江西紅兵出投誠悉由寧邑赴州絡繹不絕田  
地荒蕪是年大饑斗米銀五錢

施藥視之則二鶴也心異之天南曙即往候市  
門果見二叟擔簦行武丁踵之老人問故丁曰  
君有長生術持來侍從耳老人相顧而笑出玉  
素書示之並與藥一九分袂去丁既之還家明  
倍常雖鼓聲鳥語悉能解聞群雀啁啾謂眾曰  
東車翻覆半兵報往視信然又太守元日譙羣  
丁忽含酒西嚙守惠丁曰臨武失火假此救之  
大災未二日縣令張濟上書稱元日民間失火  
東北雲起雨大注遂滅救火者皆醺然有酒氣  
守乃驗為仙術為丁訖州西立宅居二年詔其弟  
曰七月七日織女渡河吾當被名為從事弟曰織  
女何事渡河曰即嫁牽牛耳言訖而卒時沒漢光  
和二年也寧舊志載丁塋武昌岡後乘驪從穴  
登岩竟抵雙溪羅仙山頂上遺有飛昇跡并棋盤  
跡仙之母坟即掩蓋於石岩內其仙亭半懸獅子  
岩每夜聞鐘鼓自鳴至以一簾承大  
石以小門容大鼓皆其顯異云云

靜覺禪師年代姓名里居舊志皆未詳互見古蹟



之阮繼流無一免者師獨得全大中時還淨土庵  
咸通八年二月十日端坐而逝時世壽一百三十

二美師真身在湘山歷代封為慈祐寂照妙應禪  
師又號無量壽佛初郡中有怪當放毒於鄉里師

治之怪竟從師為侍者後人肖像於師側號臨武  
天師師所生之地為周源山鄉人建二刹曰龍居

曰廣慧佛母葬龍居寺後常有雷雨掃墓墓傍產  
方竹可為杖距山五里為牛嶺師嘗結靜室其下

母往省之有項母渴師卓錫得泉母既扣石出饅  
首以奉今泉罇饅模尚存又郡南萬歲山有石為

師坐定處猶有  
盤踞跡存焉

成武丁節錄州志

即羅道成漢桂陽郡臨武縣人相傳顯異於寧邑  
羅仲山生靈帝時少有穎性姿表過父年十三為

縣吏疎節大度不類世情縣長遣任郡郡守識  
其奇署為文學主簿復以閣直上使委任郡守

多暇刑武丁愍之竊令杖者以機繫雞豚之血於

予偶老以詩以可顯杜違異此與著錫之意無當  
若范公州志又謂載仙釋於郴州與他郡異且以  
為孝友慈善有益民生有功斯土焉詞雖辨而義  
則乖矣今於諸家志評一切汰之庶幾存而不論  
之義而寺觀亦但紀地名所以省簡帙之繁重云

寺觀 凡二十八

水星樓

在南關康熙一十六年耆民胡朝梅建雍正四年其子孫倡眾重建

雲蓋庵

即在雲蓋山

昭德觀

在雲蓋山半

五通祠

在城東南關祀五顯靈官左有觀音堂右有知縣徐騰生祠

三公祠

在城西關殘唐時廖思政思宥思文兄弟為團練使值寇虐督義勇追至小陽水東



即六祖之高弟曰七祖者原蛻肉身任梵安寺位  
於殿前層樓令移殿右廂房相傳師好靜坐不與  
往來人接六祖讓之曰汝不結人緣他日難成  
佛亦必冷淡無人朝汝今俗呼為冷淡佛

曹天師

名貴傳程水鄉人幼好道術遇異人授以符籙行  
之鄉里屢有應驗無疾而終及葬人訝其棺輕啟  
之一無所有衆以為尸鮮仙蛻云後土人見其御  
一騎上鄉侯山覓之不見止存石路蹄跡遂相與  
神之尊鄉天師立祠山頂至今禱祈不輟按元  
至正五年曹允億碑記師生於宋時

志之例有仙釋由來已久亦以其人與地而系之

邑志中為仙佛者四人所謂生當清淑之氣魁奇

而迷溺者其本傳所載行事頗為冗雜王志謂原

委崇亦名昭不與勢難以意刪改至李志耿志博

迴龍庵

後祀傳有七姑過其地遇雨乞蓋不得適

黎叟贈以七笏姑謝曰他日地旱可來雷公嶺

尋我姊妹始悟為仙後旱時果應此送神遂願

八年楊林人渡迎請之靈應尤捷比送神遂願

祀楊林不復歸土人因即迴龍庵新為仙壇

併祀之知縣耿念勛捐

助並為之記見藝文

東湖庵

在豐溪康熙三十年間知縣申奇彩為洪

補

三姑仙庵

在南鄉梧洞雷太尉廟在除口祀雷

鄧都司廟

在縣南八十里正德四年峒寇亂指揮

死之詔諭祭鄉人守柳桂奉檄禦賊戰於雙魚嶺

立廟祀馬詳州志道應山在縣西三里

白馬王廟

在南江路江口瀧頭祀伏波將軍詳游寓

故號白馬大王志云查古志謂有神出入乘白馬

乃過夫人為七人袁氏女因採桑過廟祝曰能



俱殲於陣所救之處廟祀之宋初封水東二濟公王明初賜春秋祭見州志按思政或作思訖

歐王廟

在城西北關舊志王諱初開生潭州以擒黃巢賊受封後人卜居本縣西南時群雷

交震故名雷震奉王於家龕各鄉建祠肖像按州志載唐僖宗乾符六年黃巢破潭州即其事

將軍府

在隍祠左祀伊終下三將軍雍正九年新

范等賊犯永興大兵固山伊等抗戰於鹽砂嶺失利今英靈如昨是亦護國佑民者故群祀焉

羊角庵

舊名鉄耙庵黃蓮庵在羊角山下

住雲庵

即婆婆岩庵近仰窰在偏礮一里山

周林庵

在東鄉周塘為華頂庵縣東三十里有

青龍庵

在下保開福寺在城南山三里黃

安寺

在舊縣

龍會庵

在南鄉溫泉後

聖王仙

寶源山

五河山 在五都

金鐘菴 在大坡水

塘龍菴 在大壩橋

羅頂仙 在青坑

白雲仙 在徭崗

明月山 在打溪江乾隆  
間僧釋堅改

以上俱補已見山川者不載

附錄

萬壽宮

係江右客民會館為奉許真君康熙五十年  
置地各三都將軍廟禾田壹拾柒担半乾隆

參年又置地各油草塘飛帛圳禾田叁拾担十  
八年又置地各十呈洞蛇形禾田肆拾伍担以

供住持乾隆十二年重修知縣黃福置扁聯以  
奉因此田不載邑中齋田冊故詳之



卷十一

佑我泮蠶他日願為神婦其年果獲利一日女  
忽自淹死於江浮廟門三去三返神乃降一童  
指言其事使人昇入廟遂端坐於神右每陰晦  
或乘轎或跨馬出遊最為靈顯此又非馬伏波  
之說爰  
並存之

龍居寺

在程鄉周源山

李廣將軍廟

在程鄉

普覺庵

在程鄉桃源洞

光明寺

在程鄉

香山寺

在三都

古南苦山

在周源

清溪山

在大坪

逍遙山

在廖江

石岐山

在高冲

新庵

在道應山下

山水庵

在七都

扶竹仙

在七都

興寧縣志卷十二

知興寧縣事蒼梧羅紳纂修

拾遺志

雜錄

著述書目

存舊

志非史也而其難頗與史同牧羊致誚築室貽譏  
無論矣其始也刪繁以就約其終也掛一而漏萬  
往往刊落不盡書成復悔者有之故前志俱有拾  
遺網羅放失補苴罅漏亦通例也要皆事關興廢  
非同費詞舊有邑中前人撰述書籍等目雖名存  
實亡者多皆得載入而李陳王耿諸舊志序論之  
未能盡存者並附之以備此邦之文獻後有覽者





初置士人後有宮建之諱告邑侯思言士遠侯言  
之往聘豫章孝廉喻先生時以他出不得至諸生鬱  
鬱適王友家勸善扶乩虔禱於謙家仙降判曰至  
聖殿有指衆與偕往純陽呂祖詩云大皇迢遞入黉  
宮出唇脫氣未頂龍歆求甲第聯鑣振明倫堂上認  
真宗求示以聖宮方向仙曰諸生殿後一遶自有  
佳兆時儒童王家式見明倫堂左角一紅光大四尺  
圍衆皆未之睹也復至殿仙曰紅光處即真宗當作  
癸山丁向以明倫堂後簷為界術士不月自至勿遠  
圖問以科第題一聯云瓊閣雄飛擴九萬里泰程蛟



得以考焉志拾遺

雜錄

學宮紀述

康熙八年

邑庠 胡謙

自宋高宗紹興中遷縣於茲管濠

按遷縣不知的在何時據舊志沿革

條云理宗紹定時徙治管子濠則事在高宗之後上距紹興幾百年矣附疑

即設學宮於

城西其坐向則未詳也歷元及明弘嘉以前元魁世

振科第蟬聯嘉靖庚子李公廷東登賢書後百有餘

年竟爾寥落堪興家每歸咎於風水萬曆初聖宮

遷今戟門處乙卯冬邑侯傅諱其德升命露臺處作

了山午向兼壬丙越年久而科第之落落猶故也崇

從祀廟  
萬曆  
嘉靖  
長崇  
禎

十三年十二月吉作癸山丁向鼎建一聖殿較之舊制

高昂弘濶不數月而戟門櫺星門相繼告成詳報學

憲堵賜匾額花紅示嘉美焉時匠作人夫工價悉同

民間飲食用度絲毫不損行戶約費三百餘金馬侯

捐俸一百二十兩餘則庠中里遞義民各為協助而

程鄉之仗義者為最聖靈既妥文運斯開王生家

珏先以拔貢入監遂於崇禎壬午科北闈中式八十

二名人皆曰仙判所云明時班馬著文章之言驗矣

自是獻賦蹂躪長衡癸未偽職入寧十餘年間士子



騰鳳起盛代韓蘇新甲第球宮煥美開一百年離運  
龍翔虎變明時班馬著文章問以姓名曰聯中已寓  
意不復判而去未踰月豐城徐騰宇來謁馬侯侯集  
諸生謂曰徐人行術吾鄉大老家陰陽事悉獲其吉  
修學之舉宜信任之徐至學宮察前後左右議論一  
如仙示於是庠友毅然從事以譚生廉及謙總理且  
為之鳩工為之支給李生恭何生香甲袁生有為許  
生昌期王生家姓王生玫袁生璣陳生登瀛王生國  
琇李生榮瑞為之理財募衆分任既定告於馬侯卜  
吉多先聖先賢位於文昌舊祠卸其殿而材皆松

於殿之艮方而未果若乃造東塔者亦汪侯也造南  
塔者則崇禎間閻侯諱廷諭也皆謂其增秀峰以培  
文運然一發祥而輒斬者得無猶有缺陷規制未如  
其前歟一日興國術者饒南陽入學宮熟視審觀語  
屏爰曰聖殿頂龍旣真布置合法補助亦云善矣  
顧猶有未至者雲蓋山在縣為丁峰在學居午位使  
得尖秀如卓笏然則邑之富貴纍若不歇前此科第  
丕振民庶殷饒者其頂殆有樓臺亭榭歟衆以為言  
之誕而無徵也及耿侯諱念劬蒞治之明年巳酉花



避亂於僻壤當道掣肘於時艱文物之地竟成榛莽  
之區及國朝順治乙未歲邑侯高諱燾為之主盟  
教諭尤師訓導尹師乃率諸生而建西廡焉戊戌夏  
邑侯徐諱騰蒞任適上臺有建修文廟准以紀錄  
之檄由是增設四配十哲龕座修葺正殿西廡門格  
飾以帷幔加以丹雘甃砌其地面而戟門而櫺星門  
則重建焉啟聖祠明倫堂敬一亭魁星樓泮池及名  
宦鄉賢二祠猶闕如也後數年教諭程師諱達時率  
諸生建啟聖祠訓導龔師諱逢聖率諸生建明倫堂  
文昌祠原在殿之異地天啟間汪侯諱夢尹改建於

竣侯命之曰縹緲亭南北二十七尺東西如之高三十尺秀挿雲漢居然一卓笏文峰無非為培植學宮起見也因彙其巔末紀之以示後人

朝對略言

康熙四十三年

知縣

謝乃實

舊大成殿在今月臺而明倫堂在今大成殿上余嫌其規制湫隘以形家言殿脫氣而堂傷脉乃移明倫堂於東偏與儒學門相對而建大成殿於明倫堂之前簷處啟土時於地中得舊基適與相合其坐向則瑤岡嶺也余頗以為然而有江右堪輿者必歆午向



朝遊雲蓋山偕胡生國璠曹生高明黎生繼聯登山  
巔其土平行其景空曠環視城垣庠序人物森列氣  
象萬千侯快然曰盍亭焉以振茲邑之文峰諸生唯  
唯侯慨然捐俸擬建八角層樓召謙董其事謙同朱  
友英俊相視其廣狹方向而正針焉縫石既定僉曰  
前之梵宇坐向不若是也謙曰如其制則丑未落墓  
庫矣與琴堂類宮不相維繫衆曰呶呶謙獨堅執所  
見及平基於頂之癸方得左右兩石礫且昔之縫磚  
具在與謙所定不差毫末又於古刹右得舊碑係嘉  
靖戊午紀載麥侯重修山頂八角層臺之事之石也

以羅城作近案以瑤岡嶺作遠朝則案既環抱而馴服朝更秀拔而端拱而所謂雲蓋者棄置於門之旁粗拙皆可不論廉乎後坐龍脈前就堂局而得之矣諸生以為何如

文昌祠記略康熙四十三年

謝乃實

考舊志文昌祠在儒學門左地爽塏居巽方最為得位明季有學博者改以為宅而另建文昌閣於艮方及樓圯而神像無寧宇矣遷徙靡常惟腰以上者在耳甲申春李我受等言儒學舊有匾曰黎明閣即文



以雲蓋山作朝則後不脫脈氣衆從之顧余竊有疑焉而歆為內外兩向不知諸生以為何如殿以乘氣作午向是已而雲蓋山者足以為朝對乎朝與案是一乎是二乎案之說曰高則齊眉低應心而雲蓋粗石嵯峨徧體鱗甲恐非賢賓也余以雲蓋者一羅星耳羅星宜居水口在羅城外若羅城之中而有此等山則曰抱養風水之說吾不得而知之也若其言果可信則邑之抱養他人子以亂族類者多矣能不遺憾於此山乎卜則魏云羅星切忌當門則此山避之

莫不重加修理棟宇輪奐煥然一新及為兩廡繪容  
弗稱嘗與教諭車輓議欲更塑未幾適本道分憲官  
斯書按臨振揚憲紀宣布皇化祇謁宮庭令尹偕教  
諭遂白其事憲府公諾而允焉且撤繪壁而更塑之  
仍頒憲司公帑幣五百貫以助工費而令尹悉心厥  
職敦勸在籍儒士樂助貨廩經營規度曾未閱月  
塑像厥績告成教諭具述本末俾記其事以銘於  
石諸不雷孫竊惟聖人之道網常為大且載六經如  
一元之氣運行天地間彌宇宙亘萬世而不可易者



昌舊祠也乃公議安文昌像於舊居更為粧塑修整而廟貌始覺煥然可觀邑皆翕然稱此舉為有當云略綴數語以紀其事

從祀塑像記

至正六年

同知  
邑人黃雷孫

皇元繼天立極興化勵賢羣縣皆建學宮祀先聖先師設教官明彛倫育人材厚風俗既在郡縣守令主領敦勸而風紀之司復以時巡察勉立教化興行靡間遐邇興寧為柳屬邑舊有廟學而儀制未完至正五年南陽黃公可道以文獻世裔來尹茲邑蒞政之初孜孜民治興舉學校尤切究心廼修剏禮殿完砌

和之風駸駸乎唐虞三代之盛矣豈直簿書期會之  
之未所可同功也哉於是乎書

大椿亭記

知縣 耿念劬

邑署之西偏有隙地焉蓋從前瓦礫之區也大椿一  
株挺然森秀顧而樂之擬建亭其下未獲也越宰邑  
之明年己酉仲冬適以麟經聘試黔闈歸往復數千  
里人物風土蕩然心眼頗多眺詠抵署促促隘陋殊  
難自協會風日烘晴冬暖如春亟命工草草構數椽  
右為閒廳以供佳客對酒彈棋之所前後踈櫺八格



也其在當時惟七十二賢見而知之故相與授受者  
有焉相與講明者有焉自時厥後聖遠言湮賴諸儒  
迭興羽翼聖道故經籍得不泯絕逮至濂洛諸儒上  
繼絕學而後道統之傳復大明於世此自古以來有  
國家者所以尊嚴爵秩報德報功而不怠焉者也欽  
惟聖朝尊崇先聖加號大成敬禮先師追贈徽謚濂  
洛諸儒增封爵秩而復以先正魯齋許文公偕宋九  
先生列從祀重道尊儒超越今古蔑以加矣矧茲司  
憲承宣令宰又能祇奉德意寅恭祀典以勵風

像之遺意乎溪之官斯土者時修葺而培護之不獨  
與竹樓雪堂後先輝映即八千歲春秋又安知有所  
紀盍哉亭成勒文於石  
重修觀瀾書院記 元大德六年

郴州路  
教授

左元龍

水哉水哉仲尼何取於水也取其有本焉耳蓋道之  
有源猶水之有本也夫斯道之源一泄於河洛演迤  
於堯舜禹湯文武周公之六七君子而源益深尼山  
派出洙泗波流始達於孟軻再障於韓愈而源益遠



默堊瑩潔不過事雕綺左為斗室橫一榻以待清夢  
瓶罏一具書卷數軸淨几明窓以恣占處簷前疊石  
為砌山香野卉廣羅嘉植榮落代謝於茲具馬廊下  
作曲欄幾折月弄風吟差堪散步廳後鑿小池種紅  
白蓮花畜金魚數尾聽其游泳次第布置不期月而  
告成嗚乎古人有言仕優則學余其何敢每念天下  
事經權鉅細萬有不齊操刀製錦時切飲冰安容以  
負吾學者負吾君與民庶幾公退之餘偃息靜念  
博攷周諮或亦仕學之一助耳况大椿壽物也無奇

也羊色竟兆李之芳幸而蜀守瓜分廷待於霜天

衣變化河不出圖斯堂厄於丙子之變井湮室圯幾  
二十年迨至元辛卯冬得百里楊從仕師文嘉重吾  
道主張而修葺之遂使斯堂幾墜而復興斯文幾絕  
而復續得非有本之水雖霜降而不涸與一日綉使  
靳公新田先生用以曲沃名流廉訪一道行柳屬邑  
至醴醑潭上肅旂驚而戾止一見驚喜撫存矜佩講  
論從容斯堂至今殷殷有金石音所謂今代不數人  
百年無幾見者也詰朝返郡治稱道不絕口環墨大  
書觀瀾書院匾以惠後學易堂而院廓而大之之意



中間雖厄於嬴秦之毒莽賊之逆宋齊之克愚聰勒之孽驕舉莫之能遏其必東之勢信乎滄海之水雖遇霜降歲旱而不涸聖道之瀾雖遇王澤湮微而不竭以其本深且大故也迨夫五星聚奎文明啟運濂洛諸儒復浚其源宋三百餘年詩書滲漉上自王宮國都以及鄉黨閭巷莫不有學皆所以明教化正人心扶植綱常之道於千萬世而不墜豈非諸儒之功與此興寧曹氏書堂所由創也寧為郴望邑曹為寧望族清泚氣鍾類多魁奇材德之士鄉舉里選代不乏人乃於霜鴈潭上構書堂以訓族黨之少俊而取

洋源源而來也曹氏世世子孫漱潤其無數

西泉重修觀瀾書院記 嘉靖二十七年

訓導 邑人 歐 坤

澄鄉曹氏據郡邑志所記其間人物之魁奇遺業之  
垂後至今昭示迺吾鄉上族也元大德初有先生曰  
狀元學士者自幼泉武敦學臨流居業擇其濤洄濟  
拜環繞而帶礪者處焉因以醺醺觀瀾書院自區練  
色涵烟天光一碧錦浪浮空極目無際則夫深造自  
得厭飫以游高明使宇宙事皆在我汪洋一目之下  
將藉此以洩其景象先生其得知者之樂乎蚤捷於



也其殆曹氏斯文再興之祥乎方今朝廷偃武修文  
崇儒重道勉勵學校以作成人材為第一事豈非吾  
道之幸與然當世學者往往舍本逐末以功名富貴  
累其心波頽風靡良可慨歎能障川迴瀾中流砥柱  
其誰乎有曹君一本等已為科舉文字研精聖經賢  
傳以泚艾一鄉一族之俊秀蓋將漲醞醑而濂洛由  
濂洛而沂洙泗之淵源深造乎斯道之蘊浩浩其天  
明通公溥流動充滿乎天地間人皆得以涉其津涯  
尋其流派而無望洋之歎其志豈淺淺哉然則斯堂  
也開創於前規畫已詳閨色於後祖宗有光斯文福

左春坊第一選同榜二甲傳臚授翰林學士又大  
德丙午賜進士曹一鎰明成化甲辰尚有鄉貢士  
曹鏞附記於此今按知縣張時謹以成化四年  
來任見於其所撰鼓樓記者甚悉事在弘治前二  
十年若弘治元年戊申在任者蓋邱崇都也作譜  
者或一時考據未詳歟書以脩系

文峰書院記 正統六年

侍講張益

進士焦君從周謁余請曰吾家世居柳之塘西今居  
蜀邑程水鄉之高冲者曰遠祖宋元豐間所遷也宅  
地山水環抱辰岡石岐蟠伏左右狀若龍虎注江諸  
峰列峙於後而塘西三峰特聳於前中峯獨高望之  
猶筆架然吾先祖嘗因家塾之舊面峰為書院而以



鄉至春對大廷魁多士為天下第一人先生之志無負矣逮今二百餘年棟宇墜頽所幸存者故碑遺址暨其餘裔尚未艾也又際我邑父母大夫敬翁隆儒重道修舉廢墜而有高孫福貴則以能承使於公董勵之餘追慕益切迺慨然有志於恢復率其東西二廊子姓卜日度工越歲春而告成又恐淪湮如昔命工鐫石勒文余因以見先生遺澤無涯足以感慕後人曹氏之族如先生者將必有作於今日而繩武於將來矣可不樂書其事以垂之久遠乎於是乎記

耿志按曹氏宗譜載甲第坊題名明弘治戊申知

後周為正統己未進士亦駸駸顯榮故余樂為書院  
之記而不辭者以焦氏之世習乎儒業也必有從周  
父子繼登甲第同致用於聖明之朝也且知焦氏之  
子孫者熟聞詩禮之訓材器得有所就將後先而繼  
起也先王之世家有塾黨有庠術有序國有學自少  
至長不離乎此故人人有君子之行比屋有可封之  
倍今與古之為不異者又足以見於此也尚安得而  
不樂為之記

辰岡書院記

咸淳十年

教授 林應春

都自東漢以來太守衛君修庠序教而士知學聖賢



文峰名之元季燬於兵洪武初曾祖必政始於舊址  
重加構築中為堂左右有廊門牖畢具廼延明師以  
教子弟於時伯祖慶榮祖慶華叔祖慶貴慶全讀書  
其中俱有文行俱韜跡弗耀伯祖今皆壽終而吾  
祖歸然獨存嘗以吾父之貴封徵仕郎吏科給事中  
年踰九袞而康寧惟是書院吾父早與諸父同受業  
於此吾又與諸昆仲同受業於此今吾子世儒世經  
輩復訓宗族子弟於此不有記之曷詔我後從周之  
父曰起良永樂戊戌進士始擢吏科給事中今陞戶  
科都給事中溫雅而文久居近侍藹然著聲績於時

而教尼不行也子能如是亦可以為吾道之羽翼然觀其條約大抵詳於進取而略於教養豈世不古若言不及科舉事則不足以激勵其族耶朱文公曰今郡縣之學未嘗攷其道德行義之素其所授受又皆世俗之習進取之業是以歆別求其燕閒清曠之地以共講謀其所聞文公之喫緊為學將言蓋扶持世教計余固嘗佩服斯語思所以救於世俗者矣袁氏書院其可為燕閒清曠之境父兄子弟羣居講習并剖辨乎義利之界限體認乎剛柔之善惡克去己私以復本原之天理則由下學而上達自知有夫爵



之業與寧柳之交也程姪又附庸邑之屬鄉耳春  
陵元公以道學宗師絃歌柳邑二鄉尚未析而沐教  
則於今文士彬彬駢馴程鄉為尤盛年歲賓興與計  
偕者科不乏人亦足以見衛君之遺澤元公之遺化  
其人人深決如此程之士族其登仕版而題貢籍尤  
莫盛於袁氏有文敷者鄉之名宿也率弟子姪等創  
辰岡書院以館其族人之俊者建義庄以資來學於  
書院者其條目規畫隱然有范文正之風而婚姻不  
與焉院既成美庄既置矣乃遣其子若姪來泮宮以  
求其記於余余今教此太懼無以推廣其泮人之志

夫列人賢其德直稱其官而不名曰袁大夫於情理  
差近載考袁氏之先有諱此者官吏部郎中以清節  
著後人稱清郎中入祀鄉賢又其先有諱才輔者登  
永樂戊戌進士授贛州府寧都縣令至今從祀寧都  
名宦本邑亦入祀鄉賢又其先有諱克俊者登洪武  
乙丑進士任禮科給事至於登乙榜而列貢籍者代  
不乏人即今列膠庠者如璣如琰如德邵如瑾傑瑛  
與公孫輩皆有文行乃當時竟無一記一序載入邑  
乘以表辰岡之勝何也因更諮之袁氏之子若孫始  
摹其石刻碑文二通來告一為辰岡書院記一為學



之可慕所謂人爵者蓋不求而自得矣袁氏子尚勉之哉

辰岡書院續記

康熙九年

知縣耿念劬

國有史郡邑有志家有譜小大不同所係之重一也  
余閱寧邑志載醴醑辰岡二書院醴醑為曹氏建乃  
選舉類中並無曹氏顯宗止於小註謂有大魁曹公  
如圭未第時此兆云云余因加意搜求得其舊譜並  
石刻大德時教授左元龍記鑿鑿可據特編入仕籍  
並其記錄載藝文以示信及考辰岡書院註袁大敷  
微之科目中亦無所謂袁氏大敷者或謂敷當作

余亟亟修志意也袁氏之譜蓋可忽乎哉因筆之

以授和  
季考告示康熙八年

知縣耿念劬

照得玉泉瑤嶺夙鍾雲物之奇承露朝宗久擅人文  
之譽問觀瀾之書院此維先溯振響於辰岡山靈  
不誑蓋前徽固昭昭可據豈後勳至寂寥無聞無乃  
氣運未開抑亦作養靡豫城堪一借掩旗息鼓者自  
具深機舟不再焚擊楫揚帆者定饒駐采疾風好起  
沙河之上震雷多於春夏之交氣以鬱而得通機惟  
激斯成遂果其浸石飲羽自爾貫蟲穿楊探驪兜率  
醞釀夫三千幾許鞭風羊角扶搖而九萬何難顧文



庄紀實蓋其始祖諱敏求字學古和州烏江縣汝南人後唐同光年間仕於潭繼徙於郴之程鄉醴泉里家焉宋嘉熙戊戌間有諱文敷者始創書堂於石山挹辰岡之勝區曰辰岡後又遷建於辰岡之陰復鳩族衆集緡錢購田為就學書堂者資事在咸淳九年作記者即文敷也文敷誤大敷轉誤為大夫魯魚亥豕其有極乎今碑字風雨侵蝕半從磨滅然尚可摩索而得之而當時竟不一搜求紀載良可惜也嗚乎古人有言莫為之前雖美弗彰莫為之後雖盛弗傳余亟亟修志意也袁氏之譜蓋可忽乎哉因筆之

方雲蓋葉植先標育英器於文昌并希後勁妙齡有  
志偕興升堂一得可觀都教奪錦競舟瀘渡行看道  
岸先登澡雪溫湯會見磨鍊立起謹借絃歌之雅快  
躋鮮阜之隆願同心勿俾後至

季考告示

康熙五  
十三年

署縣

楊 歲

照得寧邑夙號名區自王丞相振興而後金殿聽傳  
臚面見狀頭遊上苑雲衢析發軔頻聞榜首薦賢書  
江漢朝宗妙賦膾炙乎人口英雄入彀春闈領袖乎  
瓊林或一科而數人蟬聯鵲起或一門而數士桂馥  
蘭馨邑乘所載可攷而知也雖自嘉靖以來科名寥



章貴審風氣之先器識即規文藝之表君子以文會  
友聖訓惟德成鄰願乘閏月既望惠風和暢在在來  
好鳥枝頭式假客署半閑化日舒遲人人看落花水  
面母曰小戰升司徒升司馬不過七篇即此近功報  
郡伯報各臺可成一簣徘徊山路敢云不佞過來指  
顧鵬程竊冀諸賢前往為此牒行貴學先期榜示造  
報名冊整備試卷所慮幽人空谷久疎金玉之音淨  
葉明窓更絕市塵之跡惟矢笙簧以俟日深飲食枕  
杜之求康其橐韃而來不負秋水蒹葭之望敬虛前  
席原非朝四暮三鼓勵先驅要須拔十得五矗文峰

不靳揮毫欣然而至者集裾聯會角藝操觚共緯  
新思直抒素蘊本縣得借冰璫新篇浣此風塵借胃  
旣季考品題甲乙作秋闈嚆矢先聲是誠藝林之兼  
資文人之佳會也跂望殊慙幸毋遐棄

月課告示 乾隆十八年

知縣 李允性

竊惟士為民望道因藝傳周廷二物之興惟德攸重  
孔門四教之設以文為先今 聖教覃敷之期正景  
運大啟之會乘風而破浪蒼鱗偕翠羽齊飛帶水而  
依山菁茂與槭樸爭彩家絃戶誦道一風同況楚南  
湖岳鍾靈晉興山麓毓秀晴空月色光映玉泉之波



落然大屈者必大伸况清泚之氣於斯為最自必有  
毓秀鍾靈脫穎而出聯袂而登以應此日之昌期者  
本縣僥倖雖蚤攻苦頗勤筮仕宜章如本州如臨武  
如永興兩桂俱曾以代庖之故悉其風土識其人文  
獨於此有闕焉今奉檄委而來得日接其譽髦之士  
倘不一探奇奧是猶見海藏多珍詫然縮步也矧今  
翠樾浮陰朱明永晷正羣雋心華葱蒨文波演漾之  
時而又歲值賓興揣摩既熟觸筆皆靈是以吏冗稍  
閒樂觀靜業除牒儒學外茲擇於本月日不論生童  
無分文武俱於是日齊集縣堂舉行季考明經國學

吐甘谷之完各子雲堂所蓋務盡暑簷之長合堂

回峰似波雨雲興之狀或片言扼要如淵渟嶽峙之  
主若楚國歌風梁園咏雪苟能引商刻羽何妨受  
三敲金切戒勦襲陳言慎毋雷同時徑不佞幸叨科  
第謬膺巖疆才慚五色之輝僅作蓬山凡鳥織愧七  
襄之錦敢誇琴署冰壺顧前途必問已經而奇文自  
可共賞寅朝旭日且暫委夫簿書絳蠟山城爰親視  
於丹槧他年盡入珊瑚之網爭羨倒海翻江此日預  
卜風雲之豪湏是吟龍嘯虎王孝先求溫飽豈能不  
負科名范文正做秀才便已存心天下所望敦行不



雲岫鼓韻留辰岡之窟甲第黃師郊李玠菴名魁  
鎖院仕宦袁部郎李侍御節凜嚴霜黃世範孝友可  
風士夫爭頌李叔仁文學足式父子繼徽洵是文獻  
舊邦允矣人材淵藪不佞下車三載校士數年戶擁  
徑寸之珠輝聯數乘人懷盈尺之璧價重連城惟念  
學成觀摩肄業必借講習之地邑屬寥濶赴期多艱  
斧贊之人因謀薦紳倡建書院土木已舉旬日告竣  
特與諸生訂九月初八日暫集明倫堂月課聊備茗  
蔬暢談帖括桂香風發早爍瑤池之華菊蕊露垂將  
吐甘谷之艷各抒雲壑所蘊務盡晷簷之長含毫

謂用馨作則以倡厥後汝則永有令名而翁亦澤罔攸既訓豈徒哉記曰視於無形聽於無聲孝之至也言則形穀之著也視之聽之曰由汝弗視弗聽亦曰罔不由汝汝用懋哉躍乃再拜曰敢不敬共先生之命時若大訓書用識哉

歲暮贈邑中諸生序

李廷東

嘉靖戊戌邑之多彥不以余為謫劣日侍於作山書屋歲聿云暮請歸息焉余懼其一旦解去而無所持也賞之酒肉而為之告曰今夫農沾塗胼胝百勞而成穀矣然未可以遽食之也於是乎掉之以脫其藁



怠勿為掠影之談尚幸載筆樂從行將曳屐以待

心開隨筆序

邑舉人 李廷東

碧瀾黃子積學博行人也嘗作訓詞若干條裒而名之曰心開隨筆意取張子之遺歟厥子長曰一躍次者一鳴是歲從余遊一旦持此請曰小子豈不聰弗克由訓懼底厥戾願先生重為策之余曰噫惟茲訓非而翁之得已也所以濟告語之所不及以寓厥深一也是故事撮其要約可從也言彰其旨明可知也凡求其實徵可信也汝克悉厥深愛因敢不愛原厥不得已用不敢已因徵以信因明以知因約以從是

夢夢先生少負經濟晚始拜官具訓我寧士

司訓饒  
錦榮瑞

夢夢余幸而獲侍且叩釀酣六籍洞穿百氏已為未易

及至其奇氣疎節振拔而不可抑頓高懷雅思夷曠  
而莫或攬結尤為未易及也間嘗觸物賦詩短至數

言而止長至數十言而止古風近律層見錯出彙且

成帙進余謂曰詩豈在多一烝民而物則具言性者

卒歸焉詩豈在多余懼其語且贅也故名子盡為我

既心熟諦無徇長無護短可乎余曰辭煩而理失之

謂贅事枳而理得之謂詳余習見先生之為詩也渢

渢乎爾矣風肆以好也洋洋乎爾矣音疏以越也耳



杵之以裂其殼箕之以揚其糠篩之以取其鑿泚之  
以淨其膜蒸之以備其氣始得而飯之矣至穀難至  
飯不易也諸君得毋省於斯乎未至穀而止也其至  
穀而止也抑自穀而飯也自穀而飯飽之可也未至  
穀而止去穀遠矣至穀而止去飯遠矣終歲勤勤倉  
不及一盈腹不及一飽彼將不得為良農矣終歲力  
學不幸而類於是豈得為善學乎於是諸彦作而謝  
曰願相與守先生之說於無斁庶一飽之可期也贈  
諸上

夢夢贅語序

李廷東

揚之惟懼夫人之莫已知也百字之謬愚愚然蓋之  
惟懼夫人之或已覺也詎知人之起而掄擲者紛乎  
其後也哉噫此世之所以鮮能知詩與深乎其詩也  
先生誠然於詩達矣尤舛然焉若有以甚夫子已嘗  
之疑懷老杜尚不免之懼噫此先生之所以為能知  
詩且深乎其詩也未審其挾而疑其煩未詰其得而  
意其失是猶反狐裘而衣之嗤其文采之弗都也雖  
謂之贅也亦宜

龍湫亭記

吏部尚書陳

薦初陽人

七元王君以才雄晉興余未習其人業已聆其名頃



耳乎爾美節穆以舒也棟棟乎爾矣思適以辭也核  
而靡煩得而靡失是詳也非贅也雖然孔子剪截詩  
無僅餘三百卒未始自掛一詞焉詩果夫子之未能  
耶抑詩孰刪矣刪之而復附益之是使後人而復刪  
後人也將鑒是而自止耶其然夫子已嘗疑其贅矣  
唐之老杜論者至以聖名其詩嗚呼少陵果聖之詩  
者歟或未之能聖與世無夫子名之以聖無惑也世  
有夫子少陵寧保其無一贅語孰錄無恙與後之作  
者萬萬不如夫子亦未必一一能如老杜類皆實不  
足而有侈心強探力索剗削雕鏤一字之巧津津然

乃神物也故仲尼稱老子為猶龍王君筮仕羅計

再守建陵真呼吸風雲沛澤四方今養重東山蓋時  
見時隱且蒸變迸溢為蛟為虬名之以龍似矣繫之  
以湫謂龍得其所矣命名之意固若斯乎於戲自道  
學不明於天下久矣至宋熙寧朝濂溪始接洙泗之  
傳今瀟湘承濂溪正派王君亭榭與濂溪共垂不朽  
日與諸弟子講習於其間真得川源不息之致而日  
刮月磨無怠無畫庶游息皆實地而麗澤相觀於斯  
亭無負矣不然徵逐魚鳥嘲問風月此隱人逸客無  
所事事者之所為遂侈以為奇末也何君曰命之矣  
走以報王君

王君

或採錄記之亭中



緣霽寰何君來訓初庠貽余以一貫統宗啟之屬王  
君手編因心儀之一日再過何君見所繪王君亭榭  
圖勃然起登臨之興按亭在郭之西水曲折環向池  
截流而因架以石橋跨者如度飛棧其下能走艇上  
為石巖貯奇花異卉其面江山羅帶丹青無所施手  
後數十武置一館以講學自顏其門曰小小江山吳  
令君復顏其亭曰龍湫其義何居蓋凡天地之盈虛  
日月之往來雲霧之聚散鳶魚之飛躍草木之榮枯  
心地見得皆活潑潑地惟所見者大斯一切皆小至  
此乃神物也故仲尼稱老子為猶龍王君筮仕羅計

儼華蓋之蒙蒙或紆翠岫兮或捲碧空堪以作霖兮  
時乎從龍雲雖無心而漠漠兮山實與雲合併而  
裁騰巔環眺兮恍出重霄南望瑤雲兮北顧堞雉之  
遼眇羲馭之東曙兮覽蟾光之西昭高瞻天表兮忻  
大圓之非遙俯瞰閭閻兮鄙塵市之喧囂望懸磴之  
崇華兮跨川澗而越超四盼陬曲之駸駸兮又迴繞  
而如弔有傍靈麓以為宮兮像伯陽其委蛇儼翬舉  
而凌虛兮若翩翩而颺颺彼溪澤迴石而飛環兮時  
瀝液以流猗嗟韶華之荏苒兮驚節序之推移乃今  
蒼靈秉政兮陰謝陽施忻原上之枝向榮兮忤塢間



登雲蓋山賦

知縣陳元旦

歲閏逢之攝提兮適夾鐘之佳辰  
廼齊明而致肅兮陟雲歲以伸  
裡歷宵旰之凡七兮時瞻眺而懇頻覽  
茲山之佳勝兮若觸乎其眸而恍乎其神  
聿抽毫而作賦兮爰以張大其嶙峋  
粵自雲黃肇闢兮二五森列不直昆明之劫  
灰兮每迭盈而迭竭即此管壕之流峙兮亦通融而通結  
余觀夫雲蓋之為山也屹然峭崿矗矣截薛礪砣乎寧埠之陽  
盤紆乎縈隈之垤儼奇巘之峻嶒殆天造而地設  
逕繞梯懸巖處洞徹飛閣翼於青冥兮儒刹倚於玄穹  
瞻網緼之垂垂兮

出之飛列徧銀粧於蔀屋兮且玉飾乎仙闕羨梅萼  
之揚芳兮愛竹松之挺節奇彼雲蓋之豁唼兮又與  
雪霜而並潔亂曰山雲起兮翩翩雲作蓋兮飄飄山  
於雲兮律律雲於山兮脩脩彼嶠壺之寥寥兮何如  
蓋嶽之翹翹

與畫人拓談序

訓導  
邑人曹逢通

諺曰畫人難以還人真面目難耳非如山水花木積  
阜禽舸隨意疏寫也扶子文英嘗為士大夫繪影多  
肖獨於予不爾予謂之曰子豈工彼而拙於此然雖  
工者不能寫余之拙焉昔韓幹之馬僧繇之龍米欽



之卉繁滋感萼吐而葩含兮紛紛而藉藉若麟呈而  
鳳翥兮儀儀而師師瞻彼雲蓋之嶸嶸兮殆藉春揮  
而見奇吾想夫青陽告謝兮朱明肇授迺修景於南  
陸兮布鬱蒸於宇宙屈蕤賓以紀時兮煽景風而應  
候昔溽暑之流金兮懋濃陰於在宥相彼雲蓋之嶸  
屹兮若資炎燠而增秀迨夫三庚既伏兮次以入郊  
之新涼驚商氣之滿林兮隨蕭瑟而萎黃羨秋蟾之  
清皎兮更桂萼之芬芳樂萬寶之告成兮喜東籬之  
紆香嘉彼雲蓋之頽砭兮似假秋色而彌張若夫鶉  
火之既中兮脩膏發之隆烈悵百卉之具零兮怡六

寫余之真拙乎扶子覲然曰工於寫拙而傳其真謝  
不敏矣夫拙者故吾也故吾吾自識之即吾亦不能  
自道其所以然也

文昌聖誕會序

乾隆二十四年

司諭 譚顯名

文昌聖誕一會乃司諭譚顯名致歸之前月捐貲率  
邑中子弟而立也先是抵任時謁

帝君於書院進山長蔡生貽誠語曰寧亦有

聖之誕辰會乎生曰前此固有之頃因會費莫資會  
田未立遂難為久圖今師而念此其碩果蒙泉  
所為發生也名應之曰有是哉已有者聽其寢



溪之蝶支道林之雲物巧妙極矣余未能騰變如雲  
迴舞如蝶飛動如龍如馬胡為乎尤畫者之不我肖  
也且夫畫之以真還人者面目耳彼子房武侯敏達  
廣遠之神於設施少陵仙李嶽奇礪硤之發於歌咏  
希文涑水深醇忠亮之流於性度百世下何從覲其  
貌顏乃不啻若遇之而傳之蓋其不可磨滅者固自  
有其真也詎規規面擬而目摹之耶矧余自甘迂魯  
視不及襟帶之外聞不近上友之林持劔懷捧玉之  
愆行則切折坂之懼是頑於目而強之晰鈍於耳而  
化之聰愚於手足而使之靈必不得矣正非拙安能

為諸生謀其將亦副區區之念乎會邑孝廉

君與黌聞其說急請以成時以祭罷學田小小  
補苴年邁力綿未及驟舉耿耿者兩年於茲矣  
已郊秋得以禮致回憶向之告蔡生者不可負  
而胡君之請正宜酌也因以本年所得學租五  
十碩為會費倡並勸諸生捐貲助之成共得銀  
若干載於簿籍交紳文模掌管生息李生清  
正模筭登記訂以一輪既周量入置業庶會田  
可立會費有資後之視今或不至如今之視昔  
乎則余之自壯至老始終敬奉差強人意者並  
得藉力於茲土矣又況茲土之克勦斯舉因新



失既失者不謀復舉哉且諸生亦未知斯會之  
有關於吾道也

帝君主宰斯文鑒別臧否通塞極而神造化其與人  
心為陟降者不惟是冥冥默默已耳余家居時  
刻意錄化書梓陰隲文雅欲以自勸者勸人且  
與同宗六吉又甫昆仲合志重建

帝廟置田立會於每歲二月二日恭慶

聖誕集子弟飲胙畢期與訓型廿餘年如一日蓋其  
所關者大則所奉者不可不遠也今願以薄俸  
為諸生謀其將亦副區區之念乎會邑孝廉胡

著述書目

明 凡二十二目

五行日補

奚囊雜詠

皆李邦憲著

心開隨筆

黃應舉著

孝經章句

敬一箴註

亦名聖學心傳

撫世皇敵

明發

格致誠正  
修齊之理

闡道臆解

理學管窺

以上五書陳元

且於萬曆三十三年進呈  
奉旨書留覽禮部知道

困勉韋弦

主寶存知

六十卷

徹性悟言

歷代祖述纂要

昭代憲章

纂要

垂世名章

批選八十卷

風雅遺音

批選

六十卷

墨刻四種

並書

孔門正學宗旨

皆



復舊當亦共愜其隱乎抑余更有進焉大凡無  
所慕而為無所畏而自不為者聖賢事也下此  
則始於有所惕成於漸而臻今諸生果能念斯  
會之所關以鑒余謀遠之意將是型是訓奉持  
勿替人品心術必有進吾道於隆古者邀

帝鑒弋科名又其感應之常耳若謂徵逐燕衍肆志  
狎昵將佻達日長規誠無聞行誼既虧文章亦  
薄不但非

帝君所嘉予抑亦失余立會之

初心矣諸生生長名區素切觀摩當自有會友  
輔仁以翼余言所未及者是為最

三字課

枕中課

歷代帝王國統

次

諸藩鎮撮詠

歷代帝王國都傳

次

同然錄

書詩春秋撮詠

李樹福著

四書摘說

卷十二

四書衍語

卷十二

尚書摘說

卷四

尚書衍語

卷四

周禮撮編

卷一

欽定春秋傳說撮

編

卷四

時語專源

草庭雜訓

八股字辨

皆唐光都著

尚論紀略

蔡顯莘著

獨言集

何節義著



長江集  
卷之二  
陳元旦著

驚鴻集

炎炎集

寧景紀勝

一貫統宗

詹詹言

皆王廷璣著

國朝

凡三十四目

雲亭草

胡國篇著

三禮圖表

大衍河圖

周易經傳圖表

律呂新書補

大易講

朱子家訓廣義

有耻錄

快哉錄

改過錄

離騷評點

遊山水記

皆郭啟慈著

四書圖考

經史吟

明史撮詠

子儒

李志分卷小序

天文志

始天文何欽乾道也天之為言鎮也居高理下為萬物鎮也太初生太始太始生太素混沌剖判清濁既分清者為三光濁者為五行精出曜布是生文章易曰觀乎天文良有以矣精應乎地而方土辨故受之以星野象垂乎天而吉凶見故受之以祥異辨叙事詔救政也夫豈徒索諸溟滓濛鴻蒼蒼莽莽者耶作天文志



卷之二

序園雜著 胡興貴著

十一

人物志

志天地矣人物即次之何天位乎上地位乎下人成  
位乎中三才之義也人而可與天地參顧不貴與一  
畝之園必有豐植一閭之市必有公平百里之邑豈  
無賢才乎寧舊治郴縣韓子所謂中州清淑之氣得  
之居多者也魁竒忠信代果未始乏人由國家來取  
科第建勳庸詭然而蛟龍翔油然而虎豹躍項背又  
相望焉要之品不可槩受之鄉賢標其最也進不可  
苟受之選舉重其正也閏不廢而歲功成士必勸而  
報禮重雜流封贈之所必錄也人必賢而後恩雋必



地理志

次地理何親地道也天尊地卑故親之也地之為言  
易也育養萬物懷任交易變化也俯觀法於地法者  
理也度物施生有條理也蓋嘗自其變者而觀之故  
受之以沿革疆域焉自其不變者而觀之故受之以  
山川形勝焉城塹示守也鄉社表倍也古蹟詒廢也  
陵墓本仁也津梁陂堰重民義考惠政也地之時義  
大矣哉誌不此之務區區於長短廣狹紆餘延袤之  
計指山畫谷為通儒矣宋儒葉氏所謂一部地里書

耶作地理志

四秦人之舊職官法周室之詳設之以周之官  
之以周之治也誌先員額以定位名宦以辨賢為  
民人馬受之以風俗有社稷焉受之以祀典鳴  
官者受之以管其身非以侈其身也夫豈予以可安  
之地而娛之使之偃然肆於民上耶作職官志

### 宮室志

志宮室謹僭侈也聖人利天下而棟宇之所以居身  
非以居目也夫人往往窮壯麗以徇觀美罷財力以  
作無益上焉者過侈而敗度下焉者近僭以干誅始  
以居身者居目卒以居目者累身也志有憂之首公



攻而始破游寓仙釋之所必收也雖然一士會足以重晉五百客不能存齊所貴乎人材者實有在也作人物志

職官志

職官曠而不舉民性逸而弗修治安從生傳曰周一國有一國之民一國有一國之官為之建其牧陳其殷置其輔末也又為之官屬明其統也為之官職別其守也為之官聯合其勢也為之官常秩其序也為之官成為之官法使依而據也為之官刑為之官計使畏而修也吏事有不飭吏治有不進耶國家郡

物曲者乖食貨幾何而不縮乎志先人後物  
聚之以戶口有物斯有賦故受之以賦課役以賦  
人故役法次之賦以產充故物產又次之嗚呼孔僅  
亦弘羊為國聚歛死不盡誅劉晏趙開王安石必  
聚歛原其設心不過為其主富國耳以道佐人主者  
轉無以富國為奇謀也哉作食貨志

人事志

志貫三才首天地人物矣人事殿焉贊也曰有人事  
而後有裁成有裁成而後有輔相天地官人能著成  
始成終舍人何以耶禮制以維風武備以弭變文藝



署尊廉地也次學校重賢關也祠廟壇壝仁鬼神也  
坊表彰勸也傳舍謹令也倉廩重蓄也寺觀杜濫也  
於乎茅茨不剪堯德不衰章華臺阿房宮何為者耶  
陋巷不完顏樂不改養魚莊偃月堂何為者耶大寶  
箴曰所居不過容膝彼昏不知瓊其臺而瑤其室荒  
於土木昏而不知者也作宮室志

### 食貨志

箕子叙食貨本之皇極曾子傳理財本之慎德何內  
也夫天材有生人官有能物曲有利皆所以前民  
也然非皇極之大君慎德之君子則天材者晉人

何以修德惟德是降

地理志

大塊融結坤奠成區陵谷流峙蜿蜒扶輿繼皇御宇  
率土攸居屹矣金湯幅員壯麗扼塞郊圻闡靈標異  
嶺疑湘嶽萬年是庇

人物志

成周賓興賢良漢季唐用詞章宋則經藝迨我皇明  
科貢宅制山川挺萃哲彥騰騫旌辟蔚起階秩蟬聯  
揚揚功德輝映後先

職官志



以星能邑事之大無踰於此志故受之也通諸天下  
則孟子與一町論治亂乘除不獨譟之氣化盛衰而必  
歸之人事以得失為尤確也後世往往安氣數而忽不  
為其失也豈真曩時惠宣之為然耶作人事志

賦云志已別有次序故諸論不便冠首然行文  
貫古雅自不忍置特附錄之觀此則知於舊志  
有刪畧者原非漫然作者讀者當亦有以諒余之  
心矣

王志分卷令頌首

天文志

芒芴錯壤胎息於天網緼爛熳雲漢為宣索樞地極  
大哉乾元而爾玄精事昭然象羅垣分野後世嚮

何以莫安惟德是倚

藝文志

維彼哲人國之典型揮毫吐秀文獻足徵流芳勒  
信古傳今學士謳歌宦遊紀畧闡性抒懷琳瑯錯落  
藝苑詞壇永垂著作

耿志徵班志之遺亦別裁也詞采鬱勃故并錄之

耿志凡例 十六則

志先定體舊刺率雜擾荒畧規式混淆茲概舉而新  
之為綱十有三目百有二詳訂備列各以類從綱舉  
而目自張也庶幾為覽者便 編首沿革邑所託始



爰茲民牧實開政治剖竹握符保釐是寄周官良法  
漢時循吏設之僚佐愛養以敦董之師儒倫理以明  
採風肅典百度惟貞

### 食貨志

古制身庸惟正是供所天在食所需在農版圖攸載  
課役流通周官節用九賦九式漢法更張民膏民血  
寬力緩征淳熙偉烈

### 宮室志

輪奐崔嵬非屬遽廬堂堂署宇出政攸居卓彼黼舍  
蓬掖蹕趨諸所營構神人棲止土木金石制度崛起

野史雜記多好惡愛憎之口濫述碑文多故吏門生  
之筆茲往賢事蹟舊志所傳難保無溢譽也事遠人  
亡又不容以懸揣姑仍之近今續入必公必慎邑  
志紀載利害攸關故增列公移誠興革之大者帳文  
獎序縛詞耳概從刪史有斷取其人其事而斷之  
也於志亦然凡一類列總論已又逐事攷訂其源委  
利弊而詳論之俾興革者審所從事頗極苦心至先  
達著論關切者備錄於前不敢畧抑不敢越春秋  
不書禎祥故志止列災異以示修省亦春秋之義也  
改革之際變之大者是曷可以從畧併紀兵變編



也舊志以天地人分卷故首星野因邑治而後察星  
分自不得先末而後本也 舊志先鄉賢於職官殊  
非尊尊之義王志亦既辨之卒局於天地人之次而  
莫之正夫職官獨非以人紀者耶噫泥矣 游寓仙  
釋應列人物誥勅應首藝文而載入職官武備何以  
概列食貨諸如此類刺謬為甚悉釐正之 賦役重  
典也特照更定全書載列俾覽者簡明易見其有奉  
蠲免裁革如倉米錠稅之類仍詳紀之以誌  
因朝曠典且以杜將來計利之口 鄉坊市鎮自昔  
然舊列坊鄉而略市鎮何也特增入 蘇老泉曰

備考於胡生謙災異兵變叅補於陳生登瀛袁生璣  
是皆有功於志者也 志中書名於余則直書某於  
前令或有共言其事相及者則必書某公某余為主  
修故從別也 脫藁已登梨棗復有以見聞踵至者  
另列拾遺一冊以便續入其書籍名目舊列正志初  
以姓氏下各紀著述更叅見藝文分列似贅今仍附  
錄不終沒前賢之志也至舊例舊序悉存之敢有遺  
善哉



紀篇什有一卷數十葉者有不盈十葉者多不傷煩  
簡不失畧要取義備也續臧載鶴得乎志經三修  
今皆此存彼遺矣其修於明嘉靖間者為李公廷柬  
次則陳公元旦又次則王公廷璣而李為最洵博雅  
君子也故舊志所得什存八九匪曰畸好高山仰止  
意在斯乎築室道謀紛爭巧詆非雜則偽矣廣攬  
博採以歸於獨三月之功精思毅斷無或假手也討  
論叅稽則雪稜王子與有力焉舊志自明天啟乙  
丑續脩歷今四十六年兵燹之餘文獻彫殘幾無從  
綴筆若乃職官姓氏多取記王生國瓏學宮興廢多

附存舊志前序

明知縣 傳其德

不佞與賓陽先生同官於淮傾蓋結白首歡越二歲  
不佞奉簡書泣茲土下車謁先生先生出寧邑志侯  
君刻半紙者示余甫寓自有衡永之役南走九疑北  
走衡嶽往來興寧道上足跡幾遍焉覽茲形勝則鳳  
翼飛舞而來羊角扶搖而上雙溪雷奔於程江八面  
壁立於桂嶺雲蓋石礪層嵐如削邑最爾哉亦寓內  
一大觀也隨訪諸父老道茲土事甚悉風用夏而雜  
藝民淳固而鷺鷥用入廉而出嗇口滿多而實寡山  
高谷深人物饒而食貨乏歸而索緒志見先生一一





則濟其何

邑事也

無若儒術

則後在

與之邑事

無若儒術

若古則整若今則弛其何以勸一邑事之大無若

異早濟若古則少在今則多其何以勸一邑事之大無若

聳然起急惕然思戒不徒視為故事之糟粕斯得為

志者之意維風訓運恃有此具也故余初下車得賓

陽陳公所修興寧志竊謂此志具在可恃以自警偶

一寓目輒沾沾喜然懷中多蠹蝕尺幅僅仄而字畫

模糊且遺缺數十年後事殊為扼歎遂過七元王公

談及寧志應修隨托之執筆公不辭其心力尹不辭



臚列若指諸掌蓋實錄也且其起義引例傳信傳疑  
大都原本麟經衡官左傳屈宋而下不多見焉倘所  
謂司馬子長之流亞非耶昔子長南浮長淮而有史  
記先生北游長淮而有邑志千載而下旦暮遇焉又  
寓內一大奇事也不佞緣托三生復淮上餘權奇其  
事為侯君了未了公案敬續成之圖先生不朽云萬  
曆乙卯暮

又序

明知汪夢尹

邑何為而有志志邑事也其志邑事者何志一邑之  
事使觀風者知邑之事耳邑事之大無若民風在焉

不免有門人繼作之疑甚哉作史之難也志亦一國  
之史也詎易言哉柳之為州在嶺之上屬有五寧處  
一焉人情風土與中州異者多矣國志亦奚以究其  
源流考見得失也哉柳往有志明乎來幾百年未有  
修者文獻不足徵矣余自承乏柳郡嘗擬合五屬為  
一總志而各邑多缺然無所考故遲有待焉耿君綠  
房以文學之才筮仕寧邑恢恢乎吏治有餘也爰掇  
拾殘缺訪羅見聞而運以新裁凡歷數月之勞以成  
此書書成問序於余余一再翻閱知耿君用意之專  
且篤也山川土田風俗教化所為偏全盛敗補捄張



其俸饒閱三月而竣募役重鉅缺者補而略者增於是鴻裁新製蔚乎可觀則陳公向所著述而求盡者王公茲悉包括之無遺矣二公之於寧志功豈淺鮮哉至於此志成而後之來蒞茲土讀茲志者隱然懷振警之念則不佞尹或亦未可少也是為序天啓五年乙丑孟夏

又序

國朝知州葉臣遇

甚哉作史之難也麟經而後莫如司馬子長而或譏其淺陋而不學疎略而輕信繼司馬者班范為最議論謂或失之同或失之誕續麟經之筆其綱目乎復

以懿行無有相繼而興者乎況乎鏤板經焚餘之漢  
什一僅存而更混淆於魚魯之莫辨採風者於何而  
備覽焉噫舊志之既廢也如彼其久而後事之失傳  
也如彼其多卒未聞有載筆而起者豈刪定纂修固  
自有時耶抑亦待其人耶我楊父臺以宜陽福曜來  
篆於寧不數月而百廢俱興心孔瘁矣尤惓惓於邑  
志之遠且大者毅然不辭其勞不惜其貲既撫拾殘  
缺補亡訂訛以還其舊復訪羅見聞攬運筆削以增  
其新俾余以空疎無據之學得藉聆教誨於其側幸  
何如也抑余竊有感焉昔人謂志猶史也直道存焉



弛慮無不討求而論斷之核而不煩文而能雅準其  
條理詳其利弊邑之為治從可知已豈復有為譏為  
議者哉豈復有致嘆於攷見得失源流莫究者哉使  
諸邑長悉皆如耿君之用心則自邑而郡自郡而天  
下輔軒之採取諸此而裕如矣故嘉耿君之志而樂  
余之志亦或可藉以旦暮告成也於是乎序康熙九  
年孟夏月吉

跋

邑教李德芳

寧遠自綠房耿先生纂組而後閱今四十餘年矣歲  
月遞嬗人事因之山川無變遷乎田賦無增益乎名

封贈之錄非以為夫人之誇詡其光榮慶幸其遭值  
已也有以見國家激勸之典焉有以見人臣樹立之  
貞焉有以見子孫世守之責焉夫均臣也均為人之  
臣也封贈顧有及有不及榮辱判而激勸寓矣其及  
也必其常憲之克謹其不之及也必其爾位之弗恭  
泚慝兮而樹立見矣世德克求必加什襲之藏厥念  
弗紹祇為一醉之易肖不肖殊而世守辨矣嗚呼知  
激勸君作明焉知樹立臣作良焉知世守子孫作敬  
焉一事而三善具志懌與也



苟非蓄道德而能文章者以任厥事未易信今而傳  
後今我公之於斯志也秉矢公矢慎之心顯之而為  
紀載涵之而為衮鉞無或遺也無或溢也以之垂世  
而行遠夫寧有愧於作者哉願乃不歆泯綠房先生  
之功於前而復不歆自擅其名於後而一則曰續再  
則曰續也虛衷若谷美善弗居非道德文章並集於  
躬者其孰能與於斯故余於此志之成既以為寧邑  
慶又自慶有以知吾公之深也於是乎跋康熙甲午  
秋月既望

封贈附論

李廷東





一、事出三善具亦與也

二、事出三善具亦與也

三、事出三善具亦與也

四、事出三善具亦與也

五、事出三善具亦與也

六、事出三善具亦與也

七、事出三善具亦與也

八、事出三善具亦與也

九、事出三善具亦與也



6513916

22.63

552

兴宁县志

1-6

借者单位	借者姓名	借出日期	还书日期

### 注 意

- 1 借书到期请即送还。
- 2 请勿在书上批改圈点，折角。
- 3 借去图书如有污损遗失等情形须照章赔偿。

京卡0701







